

各國種類考

樂養齋叢刻

上海編譯局發行

附  
通種說  
強種說

各國種類考

諸暨趙氏藏本

535.2  
751



各國種類考目次

各國種類考	目次
南洋濱海各國	十八至二十二
朝鮮	十六至十八
阿刺伯	十五至十六
巴勒士登	十四至十五
小亞細亞	十二至十四
波斯	十至至十二
印度	九至十
日本	六至九
亞細亞	五至六
五洲	四至五
自敘	一至四

諸暨趙氏樂養齋叢刻

葉次

一	一至四
	四至五
	五至六
	六至九
	九至十
	十至至十二
	十二至十四
	十四至十五
	十五至十六
	十六至十八
	十八至二十二

各國種類考 目次

南洋群島

二十二至二十七

歐洲

二十七至三十三

希獵

三十三至三十六

羅馬

三十六至四十

意大利

四十至四十二

土耳其

四十二至四十四

法蘭西

四十四至四十七

西班牙

四十七至四十九

葡萄牙

四十九

荷蘭

四十九至五十

比利時

五十


日耳曼

五十一至五十五

英吉利

五十五至五十六

俄羅斯	五十六至六十
波蘭	六十
瑞典	六十一
丹麥	六十一至六十二
美洲	六十二至六十四
非洲	六十四至六十五
埃及	六十五
伊西阿比	六十五至六十七
澳洲	六十七至六十八
通種說	六十八至七十五
強種說	七十五至七十七



各國種類考自叙

諸賢趙氏樂養齋叢刻

余曩者得見侯官嚴復原強篇

見乙未漢報中

掩卷而痛曰今之邘然可憂者其種類乎

其種類乎嚴之言曰英國達爾文者著書牖其羣曰物類宗衍以謂物類之繁始于

一本其日紛月異大氏牽天繫地與凡所處事勢之殊遂至闊絕相懸幾於不可復

一其尤精要之義二篇曰爭自存曰遺宜種爭自存者謂民物之于世也樊然並生

同享天地之利其始也種與種爭及其成羣成國則羣與羣爭國與國爭而弱者強

肉智者愚役焉迨其有以自存而克遺種也必強忍魁桀趨捷巧慧與一時之天時

地利泊一切事勢之最相關者也且其爭之事不必爪牙用殺伐張也習于安者俾

之勞狃于山者居之澤不再傳而其種盡矣是故每有太古最繁之種風氣漸革越

數百年或千餘年消磨歇絕靡有孑遺如地學家所見之古禽古獸是已其後英人

錫彭塞標其微而職其學曰羣羣者何孫卿子有言人之所以異于禽獸者以其能

羣也泚澣子曰至哉言乎今天下之大種四北極雅庫特士克南距印度洋東襟日

本海西苞昆侖虛神皋奧區人物鱗萃厥種黃烏拉以西耶路撒冷以北望國十六

殷繁密麗爲地球冠且迭而有西半球而國焉厥種白越裳交趾以南東縈呂宋西拂痕都東南際阿德臘特睢肝獷悍匪可殫論又西南迤阿非利加暨繞赤道諸部沙漠極天人禽雜糅厥種黑亞美利加土人窟穴游獵食息無定處厥種紅其馬來隅人綿延小呂宋婆羅洲加拉巴蘇門答臘馬達加斯諸島厥種櫻黃白智紅黑愚黃白主紅黑奴黃白萃紅黑散然則蒼蒼者於其降種之初顧特公私其界靈頑其質豐齋其遇邪抑由賤種進良種之爲順天由頑種淪非種由非種至亡種之爲逆天也今夫春秋之中國一彈丸黑子區耳若吳若楚若南北燕若徐越頓胡閩濮胥夷也其餘山戎淮夷白狄赤狄潞氏鄭瞞陸渾無終大鹵鮮虞皆以氈裘之族廁居文物之邦浸淫及於秦漢而種與種錯澠漚莫辨矣再閱晉唐宋元而氈裘之族廁居卑北狄戎蠻獯貊氏族通政教通古之所謂夷夏者又遠近大小若一矣然試萃今日吳楚滇粵之人叩其種類之權輿則靡非中原一隅之所徙再窮其族姓之根莖則靡非伏羲神農黃帝支流之曼衍若是者恒疑其攀附之夸傳會之失再進而觀其土著若粵之獯之黎黔楚之搖四川之粵之生番雲南之獯之野人自窟穴深山



竊谷抗拒政學外無有藝能才力自通漢種行漸滅淪夷以迄於盡更千百年當無復存者於是乃知吾神明之族衣冠之胄其智學開明根柢盤魄實有以綿亘於天地間者也不特此也彼新嘉坡檀香山之土番巫來由之舊族不數十年日見少於華人歐人遷來之種類初非華人歐人之迫脅之芟夷之也彼自甘爲沛根人而風銷雨蝕無復抗衡新種也此目前顯然之證據非復高語鴻荒者比矣然則泰西紀載動稱彼族胥原挪亞初聞甚覺駭然繼而觀其羅馬政教之宏希臘格致之精自舌已然今且用其布種環球之術於美於印於澳於非於南洋羣島未鑿焉容或如善伏羲神農黃帝之貴種衍裔亞洲之理也泝游子曰上古之世人種與禽種爭人種勝人羣而禽離也中古之世漢種與番種爭漢種勝漢智而番愚也之數種者平而亞洲之種禍靜今則駸駸有歐種與亞種爭之勢亞種少不振幾輾轉齧齧於銜勒莫之抗識者洞其見弱之原以謂兵爾商爾余謂兵商其後著而士之束縛於科目文法者其瘠種腐種之鳩毒也故夫強種之術三以開通強以智學強以仁羣強彼以種來我以種往士商雜選網羅四張是謂開通格致既闢天人斯窮政法律例

機牙肆應是謂智學平一國權平萬國權大同之軌於斯萌芽是謂仁羣前二術者英美德法日本庶幾行之仁羣則未也中國則無一焉烏可以不寒心哉然吾種類之布濩暹羅安南舊金山新嘉坡檳榔嶼古巴者實繁有徒其以開通強之漸邪如繼之以智學終之以仁羣日躋星呀零散陰豁凡有血氣同我太平寧強之足云余乃顯揭種類生滅之微一以策撫有貴種者之急宜圖存一以明恃舊種而不修實學者之大爲可惜焉作各國種類考首亞洲次歐洲次美洲次非洲次澳洲

五洲種類總考

**格致彙編** 西國常以人分五大類一曰蒙古人一曰高加索人一曰阿非利加人一曰馬來人一曰亞美利加土人以膚色分之則曰黃人白人黑人樓人紅人又有格致家將亞美利加土人與馬來人蒙古人爲一類又曰近來西人考究各國語言多有相同處可知五類之人原爲一脈而屬同類之人

洪澣子曰西國蠟人院羅列地球人種有四白種黃種黑種紅種其族有十五陪而陪族黑人族北美印度族中美印度族南美印度族柏布族愛斯既馬達族歐

洲印度族烏拉朵阿爾堆格族蒙古族愛拿族排思格族達拉惟弟愛吳族巫來由族阿刺伯族由此觀之可見西人辨析種族之學至嚴至精無微不至矣惟精也故見鳳儀而知爲蒙古種見李鳳苞而知爲老子後惟嚴也故擯野蠻於公法外而視天律鹿豕紅黑諸番族而甘叛其平等之微言然則地球種禍殆深伏於人心而跂跂脈脈混混琴勞之衆將狼奔豨突角觸人世界中無已時哉今之君子將遂委心任運聽命於不知誰何之天則印度貴種婆羅門未嘗不衰絕數千年後而地老天荒更孰撫殘碑遺碣麥西哥文字與掘洪荒之枯骨起而哀之祝之神明之也烏呼酷已

### 亞細亞種類考

萬國史記亞細亞爲人類初生之地他洲人民皆自此轉徙闖洲人口約五億人類大致三種曰蒙古種曰高加索種曰馬來細亞種

泚泚子曰此指亞細亞大洲言非西人所言巴比倫猶太之亞細亞也蓋人類之生中國最早他國皆由中國轉徙毫無可疑若西人謂挪亞之子閃居亞細亞大

百本種類考

洲特自誇其種類之繁衍耳西人言巴比倫為人  
類繁生之地見後

中國種類考別有  
書

日本種類考

**萬國史記**天地未判之時有神在於高天原曰天御中主尊次曰高皇產靈尊次曰神皇產靈尊三神為獨化之神而成造化之始次曰可美葦牙彥舅尊次曰天常立尊二神亦為獨化之神次有物如浮脂生於空中曰國常立尊次曰豐斟淨尊二神亦為獨化之神

**梁書**日本人自稱為吳太伯後

**萬國通鑑**蝦夷土人即日本人之根源大概此族從亞細亞大洲移來又有別族

自南踰海至其南界此二族人彼此和親族類淆亂遂稱日本人焉又云日本人由  
神而生多屬荒

渺無  
憑

**日本雜事詩注**黃遵憲著開闢之初有國常立尊為獨化之神七傳至伊弉諾尊伊弉

册尊為耦生之神以天瓊矛下探滄溟鋒鏑凝結成礫馭盧島名為國柱因下居

成夫婦先以淡路洲爲胞乃生八大洲餘島則矛頭滴潮濡沫所凝者泰西人有  
創世記稱耶和華手造天地七日而成同一奇談又曰日本土人即蝦夷稱日本  
爲毛人古所謂長鬚國也日本開國在日向大隅自西而東蓋逐蝦夷而之居神武  
天皇唐時陸奧一道猶盡屬蝦夷近三百年來聚于奧北一島有口蝦夷維新後置  
北海道設官開拓其種類祇存數千云

〔日本國志〕

黃遵憲著

源光國作大日本史賴襄作日本政紀均斷自神武學者多宗之  
余讀神代史蓋類唐人小說以地爲胎生以祖爲物化其奇誕不可思議然盤古

開天女媧擗土萬國同然無足怪者

洪澣子曰日本舊種之爲蝦夷無可疑者其臣民諱言之而詫爲神奇殆古今中  
外史家附會之常例中國歷代皆然似不足辨自神武天皇以上悉追稱曰尊其染拓跋氏習氣

歟論者謂日本國於亞東東方靈秀之氣鍾焉故其人聰明其俗勤悍余則決其  
政學開通之由自吾中國徐福既東之後啓之其所稱國立常尊神武天皇或彼  
中土酋之雄者或出後人意造求掩其非華種之迹噫愚甚矣不然彼二千年前

猶是東方雄秀之國何以蝦夷處之而愚自外徙入者而智其所以智愚之機括凡有國有種者可深長思也黃遵憲曰崇神立國始有規模

崇神爲日本第十世漢武帝建始四年立

史

稱之曰御肇國天皇計徐福東渡已百年矣其傳國重器三曰劍曰鏡曰璽皆秦制也臣曰命曰大人曰將軍皆周秦制也自稱神國立教首重敬神有罪則誦禳祠以自洗濯方士之術也當時主政非其子孫殆其徒黨歟

今紀伊國有徐福祠熊野山亦有徐福墓總之

日本土人與我同種彼中相傳本如此寬文中

第一百十二世靈元天皇建元寬文

作日本通鑑以謂

周吳泰伯後源光國駁之曰謂泰伯後是以我爲附庸國也削之至賴襄作日本政紀並秦人徐福來亦屏而不書是皆儒者拘墟之見夫源氏謂有所不知闕疑可也明明紀載卽祖宗出於微賤亦非臣子所得妄削况聖賢裔乎若以同族爲附庸則晉鄭魯衛何以稱爲兄弟之邦今歐羅巴貴種多出日耳曼未聞稱臣於德意志也愚謂毫無根據妄肆攀援是爲誣祖此狄青之所不爲也若明明紀載而以俗儒意氣之私輒行削奪其罪大矣且卽自揭其爲蝦夷舊種以明無政無學必致銷亡之理爲世大懼本無可恥奚用遁飾而源賴諸家悍然不之顧獨何

心哉

印度種類考

萬國史記印度民種不一相傳上古有二族一曰日朝一曰月朝並出於天神日

朝後王拉瑪爲父所逐十四年衆推爲王子孫世襲月朝繁衍於南西印度

萬國通鑑印度古時有一族苗人居是國內後被阿立岸人所勝

四裔編年表帝嚳四十一年高加索民入西境夏帝厯九年與土民爭戰商盤庚

十七年始與土民講和通婚

萬國近政考畧印度前歷三千餘年有一族種名雅然者自中國來擇山水佳處

居之後漸分赴歐洲及波斯希臘羅馬意大利遂爲各處之祖

泮泮子曰古教彙參載印事頗詳然其四大世界說一名吉利世界二名對大世界三名大把拉世界四名哈利世界

衛世努爲印種之祖率夸大不經余無取焉若其日月朝與日本天神之祖同一

史家緣飾之詞不足置辯要之各國種族之淆無如印度者其四千年前服雅然

之化傳費大之書聲明文物冠絕全球迄於周季一亂於波斯種再亂於馬頓西

里亞種漢時亂於大月氏種宋時亂於西突厥之遺族自此三百年突厥種類翦焉明嘉靖時元裔巴卑爾據之而韃靼種又盤踞於全印矣今則比利救種英吉名復奴其人而窟其地竊意印度古時舊種反遠不逮自外徒來之蕃昌而儼然蹙抑疲漸盡矣豈國力之精華畢洩於三千載前歟智學不修種禍斯棘君子懼焉

波斯種類考

創世記 閃之裔金希德始居波斯

萬國史記 其民上古有十二族巴撒伽特最顯

萬國通鑑 瑪代波斯兩族之人均阿立岸人之裔

四裔編年表 周襄王時波人開里白得逐去土闌

當中國夏時波斯為土蘭種滅

自立周頃王時又

盡逐國中之西地人

洪澣子曰波斯舊城密邇小亞細亞諸部小亞細亞為泰西人類肇生之地其種類之同可知然當周景王時波境東盡印度河西至地中海北馮裏海黑海南臨阿剌伯是漢書所云安息大夏條支皆古波斯地而匈奴種類亦漸與之淆雜矣



西史紀元前一百二十六年薩人爲本國所逐至中國不能入轉攻拔克德里滅之案案即匈奴故  
克德里爲波斯屬地西化紀程謂駱駝被逐即漢書老上單于逐月兵事月其本匈奴種漢書言月氏西  
擊大夏而臣之大夏當四裔年表漢武帝時中亞細亞游牧之國來奪巴特里巴特里即  
即波斯之拔克德里拔克德里蓋所云游牧之國即指匈奴言此匈奴種與挪亞種孱亂之明證迨陳隋間謨罕  
默德起阿刺伯席捲西里亞諸部而回種又窟穴於波斯等國矣其後回種分大  
族三曰翁米亞族曰法知米的族曰亞巴士族互相雄長法知米的族乃謨罕默德女  
及等國亞巴士族乃謨罕默德叔父亞巴士之裔據阿刺壻阿刺之裔據阿非利加族  
伯舊壤縱橫也當西南諸國翁亞米敗奔西班牙據之實爲土耳其立國之鼻祖於是土耳其  
種曰阿伯特真南徙入波斯據伽寺尼富今屬實爲土耳其立國之鼻祖於是土耳其  
其種又與波斯舊種亂及元太祖十七年西征波斯克之憲宗朝封弟火拉凡爲  
波斯王明年火拉凡西征寶祐六年取帕古達帕古達大教師傳六百年而滅於  
是回種不競於波斯然其種類居麥加城者仍自號阿刺伯明孝宗時沙蘭生人  
回伊蘇麥兒逐蒙古裔是爲回種再王波斯近阿富汗與波斯分立受制英俄岌  
岌不支殆回種之遺教法衰敝久且自戕其種歟列國歲計政要曰波民約四百  
四十萬人城居約一百萬人爲眞老波斯種游牧約一百七十萬人鄉居約二百

波斯種類考

七十萬人大半土耳其種勒種科爾特種阿刺伯種又曰通國戶口歲歲減少其由實溝澮不通瘴疫傳染又多擁妻妾自戕其生所致案溯來中國民數亦不加增而種種做政亦與波斯同近日某

報中著有中國三  
大失論頗中肯綮

小亞細亞種類考

猶太創世記上帝於六千年前創造地球生育萬物特象已以造人名之曰亞當

亞當猶言即取亞當之助和土造成一女曰厄娃一作夏娃為亞當配俾居埃田園中其地上人也

地在亞細亞之西幼發拉的河畔當上帝之造天地也共分七永時亦名七日非

日十二時之日乃每日或數年或數十年凡成一事之期曰一日第一日造明體日光之類是也第二日造天第三日分水陸第

四日造植物第五日造動物第六日造亞當第七日乃休息西人以七日為禮拜本此亞當壽九

百二十歲而終有子三長曰該隱次曰亞伯季曰設多該隱性惡亞伯殺之上帝

弗善也遂以設多一作識德後亞當命曰上帝之後設多數傳至挪亞設多生伊那士士生伊諾諾生馬士撒拉

拉生麥拉麥拉生挪亞上帝以其時人心敗壞欲震蕩之乃命挪亞造方舟攬室其中屆期淫

雨四旬洪水汎濫人物靡遺惟挪亞一族無恙實開闢後一千六百三十六年紀元前二千三百四十八年 洪水平

挪亞方舟止阿臘山顛其後子孫遂益蕃衍焉挪亞子三長閃次罕次雅勿閃之子名亞蘇爾爲亞細亞種類之祖罕居阿非利加爲非洲種類之祖雅勿居歐洲爲歐洲種類之祖

泚泚子曰中國之言盤古日本之言國立常尊印度之言衛世弩泰西之言挪亞回教之言阿丹同一荒遠無稽而洪水之說若中國若印度若泰西阿剌伯不謀而合其然豈其然乎然其夸飾故事與地學家所言人種之生不過五千餘年全然不合殆如列子所云三皇之事若存若亡五帝之事若覺若夢者邪然西人言閃之裔居亞細亞實第指猶太巴倫言未嘗以之概中國中西紀事夏屢泰西采風記宋育仁於此曉曉辨論似可不必竊意中西之有人世界皆自洪水而後彼時西土洪水初平而有挪亞其人者乃西國一大名族而又輔之以政學其子若孫聞望日隆遂至所家成聚所邑成都爲諸部冠而凡無政無學之諸種反沈寢湮沒在若有若無間其中之黠者甚且攀附名種以自表見如劉歆篡劉累於左氏傳以明漢家受命之符元魏託種於軒轅以掩其赤狄高車之迹此談西事者

所以舍挪亞種族外無可指數也至其或衍為六日造人之說取助和土並三一妙身之幻支離霍習不可端倪其與中籍黃帝帝堯后稷俱上帝感生釋家一世界即有一佛主化及以三千大千世界碎為微塵同一不可思議之奇儒者勿以

詞害意可耳消息至微必明世界非世界身相非身相之理其說有進于種類之辨萬萬者乃可徐言焉

巴勒士登種類考

〔西裔年表〕巴勒士登乃古大國舊史無考相傳挪亞之孫開倫始造開倫城徙居於此漢之拂菻即其地也今為土耳其之猶太夏相二十二年前歷一千九百二十一年之裔

阿伯拉罕與其姪羅得自西里亞遷開倫為猶太立國之始

〔萬國史記〕阿伯拉罕以洪水後二百年生於洛耳特亞父他拉率西徙迦南即年表開

倫罕之第四子天神命世世子孫居此號其族曰以色列一號希伯來又曰猶太希伯來即異國人之

義以色列從耶等伯晚又猶太阿利伯兩國人其系出於亞伯拉罕故兩國常稱為始

年名猶太耶等伯子也

祖阿刺伯考見後 泝泝子曰猶太亞洲最古之國也阿伯拉罕未至以前其種類當不乏人萬國史記言猶太舊

族素尊敬日 但自其至後始顯耳且其族前有摩西後有大關皆彼中膾炙人口之  
月拜偶像

賢君宜希伯來以色列之種之名之跨越古今也惟其後遭沙蘭生同蹂躪而十

字軍興於是耶穌教徒與回教徒幾成百世不解之讐至今未浚焉君子謂全球

種禍之烈無如此者至西里亞與巴勒斯坦攘其民與猶太爭戰自大關時無虛

日按此殆彼中舊種與希伯來新種交搆之故然則希伯來族前有土著之種與

之爭後有謨罕默德之種與之爭而種類相疾之患寧有已時邪故今土耳其之

屢衅於英俄諸國非獨其政教衰敝也亦猶太種禍之積數千年於茲矣君子觀

於耶回百世之讐固結於今日之土耳其未之或釋未嘗不深憂世局之變亂機

之橫有不止耶回二種者爲之驚心撼魄也非積智學以宏開通之益積仁學以

融機械之心烏乎平之

### 阿刺伯種類考

萬國史記其內地自古有游牧之民其人自稱亞伯拉罕子以實馬利後裔

萬國通鑑阿刺伯原係以實馬利後裔以實馬力者亞伯拉罕之妾夏甲所生也

巴勒士登種類考

雖成一族之人卻分多部落率皆游牧爲業遷徙無常

泚泚子曰阿拉伯卽漢之條支唐書宋史之大食太平御覽七百九十五引科環經行記曰大食一名亞俱羅案亞俱羅卽阿刺伯確然無疑愚謂亞刺阿刺伯皆亞伯拉罕之轉音因而名之西例凡新地無名往往名其覓得之人多此類然回教書言阿丹爲治世之祖又有大聖弩海受命治水夷考其時當與西史挪亞避水之時相值是回教已有聖神爲種族祖寧待亞伯拉罕徙入始能繁衍耶然阿丹之說未知確否其諱言爲亞伯拉罕種率與日本諱言泰伯徐福種等竊意前乎亞伯拉罕者非無種類但自名族徙入而舊族行至於盡此地球各種各教之歷驗不爽者慕維廉地理全志謂其山中別有數部以游牧爲名攻奪劫掠靡所不爲疑彼族卽最古之種由中國猓種種觀之可知其不被文教漸次消滅之故若夫謨罕默德蹶然興於墨克以有阿刺伯全境未知其爲舊種歟抑亞伯拉罕種歟然考其系出哥累斯爲彼中貴族必非游牧劫掠之舊種且其教多竊摩緒言增會其天使之說而以教統僭君統固綽有乃祖風歟

近人著摩罕默德考稱其緒出以實馬利

朝鮮種類考

〔杜氏通典〕東夷有九種率皆土著昔堯命羲和宅嵎夷曰暘谷蓋日之所出也其後武乙衰敵東夷寢盛遂分遷淮岱漸居中土周初封商太師於朝鮮至漢高帝時滅元狩中以其地置樂浪等郡 三韓 〔通典〕有三種一曰馬韓二曰辰韓三曰弁韓馬韓最大共立其種爲辰王都目支國盡王三韓之地其諸國王先皆是馬韓種人 百濟 〔通典〕卽後漢末夫餘王尉仇台之後初以百家濟海因號百濟 新羅 〔通典〕卽魏時新盧其先辰韓種也魏將母邱儉討高麗奔沃沮其後復歸故國畱者遂爲新羅焉故其人雜有華夏百濟之屬 肅慎 〔晉書〕一名挹婁在不咸山北居深山窮谷夏則巢冬則穴父子世爲君長無文墨以言語爲約 金史靺鞨本號勿吉古肅慎氏地也 渤海 〔五代史〕本號靺鞨高麗之別種也 唐高宗滅高麗徙其人散處中國置安東都護府於平壤以統治之 定安 〔文獻通考〕本馬韓種

〔萬國史記〕西史稱其民本出韃靼

朝鮮種類考

洪濂子曰高麗民種或由中土徙入或徙入中土數千年於茲矣聖武記曰朝鮮禹貢青州踰海之地舜割爲營州周封箕子自古爲中國藩屬又曰朝鮮不知王公設險守國之義兵多長衫大袖無訓練又俗貴世官賤世役一切草莽梟桀之材禁錮勃鬱往往東走倭西走遼爲腹心患悲哉其言殆染中國晉唐以來習氣而文弱不任事惟幸昵於人以苟存又詩賦科舉之制實愚柔之其黠者或談忠憤屏外交活流俗譽率此不改吾恐周秦以前三韓舊種無政無學無教日見少於外人之族者辰韓耆老自言秦之亡人辟若役來適韓國馬韓割其地東界與之其言語有類秦人由是或謂之爲秦韓今復逼脅於倭於俄而由中徙高之種將不免爲三韓續也譬有巨室於此其子姓繁衍而大宗小宗比屋而居析箸而食有大盜至墟其室之東偏而奴其小宗其大宗視之若秦越人之肥瘠漠然無動於中焉層亡而掩齒毛盡而吹皮雖甚忍人有是理哉有是理哉故欲爲今日高麗畫存種之策雖聖智不能而其所以爭自存以存支派之流衍者仍視吾大宗而已

南洋濱海大國種類考



安南 天下郡國利病書 安南古交趾也秦開嶺南以交趾隸象郡漢武帝置交

趾九真日南三郡光武中興以任延錫光為交趾九真守五代時為土豪曲承美

所據宋乾德初詔以丁部領為安南郡王自是始為外夷矣 案安南為中國種類古今無異說 **安南**

**紀程** 澎湖蔡廷蘭著 歷安南十四省所至必有閩粵人聚處各有庸長其事閩則晉江同

安人最多蓋不下十餘萬人

緬甸 天下郡國利病書 緬人古朱波也漢通西南夷後謂之捍唐謂之驃宋元

謂之緬 瀛環志略 漢之徼外西南夷種類甚繁明初置六宣慰司曰車里曰木邦

曰八百大甸曰老撾曰孟養曰緬甸所謂滇南六慰者也 案緬甸自古野番之國其非中

乾隆時有雍籍牙者其來文自稱其先有雍由者子漢和帝永元九年受印綬唐有雍堯明有雍罕蓋雍姓

自中土入緬之證又攷雍氏為文王第十三子雍伯受封山陽之裔春秋宋有雍氏鄭有雍糾齊有雍廩雍

巫漢有雍齒三國時有雍闓為南蠻帥或云即雍齒後然則緬甸雍氏之繁有自來矣若自明桂王入緬後

其遺種遂曰柱家而當時遺臣如李定國江國泰馬九功等其子孫尤不乏人以此知緬人種類不盡土著

而華人之漸推漸遠自古已然不自今日之散布五洲始也

暹羅 隋書 赤土國扶南別種在南海中 明史 暹羅即隋唐赤土國 **括地畧** 暹

羅南洋大國 天下郡國利病書 本暹與羅斛二國地古赤土及波羅刹也隋大業

南洋濱海大國種類考

三年屯田王事常駿等自南海郡乘舟使赤土至今譌傳爲赤眉遺種瀛寰志略暹羅流寓閩粵人皆有之而粵尤多約居土人六分之一萬國史記全國民口稱六百萬其一百五十萬係中國民種頗勤勉農商之權皆歸其握西征紀程民口約五百七十五萬三分之暹人居其一老撾人居其一華人與馬來隅人居其一泚游子曰安南緬甸暹羅爲南洋濱海大國安南自古臣僕支那其衣冠仍唐宋制取士設鄉會試用漢文詩賦蓋南洋中之高麗也然自爲法困羈馮其民苛斂其稅視英人之制印度尤爲酷烈而法人且仍以科目詩賦愚之其忍甚矣即以西貢言其來自南洋羣島曰馬來隅種者面黧黑性頑劣游蕩無業西人奴隸之犬豕之固宜若其經營市埠者土人最多華人次之法人最少然以至少役至多終類首帖耳莫敢喘息何其辱也緬人率其土番之性尤獷悍不可制乾隆時桂家與木邦諸土司啓衅督臣楊應琚撫臣常鈞喜功名均獲咎罷於是明瑞以將軍兼總督深入緬境二千餘里卒有小猛育之潰後以傳恆阿桂阿里袞文武兼資竭天下之力僅而服之英人之經營緬甸也前後死於戰死於野人者無數由

是言之緬種之勇且悍爲環球所僅見而卒莫與抗者何也不修文教不精藝學不期交涉準此以往雖無他族之逼行自相殘滅以底於盡耳嗟夫此天之以高麗安南緬甸矻吾中國而俾之蹶然起也若夫亞洲諸國之卓然能自立者自日本外厥惟暹羅余流連其國勢地利人心可懼三可喜三何者英於緬甸而臧獲之法於安南而尾閭之獨一孤危之暹發憤圖存於兩大之間以撓其忌可懼一彼既大修政學儻欲試兵威以自立廣土地以爲雄則藉端滋擾陸師必及於雲南水師必先於瓊州是又一自殘種類之倭人也可懼二地球大勢爭新必盛泥舊必亡婦孺宜知若依然泄沓是將驅奇人志士於能變法之暹羅也可懼三然則奚而喜也且夫暹羅舊制王者獨尊百官偏袒跣足屏營負罪上下否隔秕政叢生今王乃降尊紆貴徧歷瀛寰謁教皇而融異族水火之心親瑞士而拳拳公法弭兵之旨於是歐濱人士謂乃追蹤彼得邁迹睦仁各國報館皆七亞洲創舉將以破除數千年深處法宮之陋習可喜一俄守大彼得遺言耽耽全亞匪伊朝夕日本吮血摩牙靡明靡晦差能國於太平洋中暹羅土地之沃幅幘之廣勝

日遠甚儻淳然奮興東聯日本北結中國南通馬來羣島與羣雄合縱東南洋一且有事犄角牽制必能戢俄人併吞之謀可喜二華種不振自有地球以來未有今日者也乃君於暹者中國之鄭氏其智且勤能襄政治之人種亦聞粵徙入爲多於此見支那種類苟不梏以文法蔽以科目而與之精研政學初不後於白種之聰強也且吾植種於暹者卽如此則將來開通之強繁衍之茂益未有窮期可喜三凡此三懼天下之奇懼也凡此三喜生人之奇喜也消息至微吾與言種類者細參焉

南洋羣島種類考

**瀛環志畧**南洋萬島環列星羅碁布或斷或續大者數千里小者數百里或數十

里野番生聚其中榛狉相仍自爲部落其種人統名巫來由又有稱爲繞阿

卽瓜亞

武吃者

一作烈吉

西漢時諸番始通貢獻唐以後市舶鬻聚粵東近則閩廣之民趨之

若鶩竟有買田娶婦畱而不歸者如呂宋噶畱巴諸島閩廣流寓不下數十萬人

呂宋 **瀛環志畧**山內野番黑面拳毛與臺灣生番相似地本巫來由國前明西

班牙以礮火攻呂宋滅其國漸徙國人實其地其迤南大小十餘島皆巫來由土番族類

馬加撒由呂宋南瀛環志畧馬加撒在巫來由中別一種類稱曰蕪吉即武剛武剛猛好

武技擊最精又曰蕪吉在土番中別一種類西人稱爲南海之傑其人武勇且知孝養得此輩數萬可以固陞可以創藉惜無奇傑借之

蘇祿瀛環志畧本巫來由番族悍勇善鬪多習爲海盜

婆羅洲一名浮海泥瀛環志畧巫來由種類俗從回教巫來由皆從回教西洋朝貢山中別有

獠人性凶頑喜殺近年粵之嘉應州人入內山開礦屯聚日多遂成土著娶獠女

爲婦近逾數萬人案婆羅洲爲南洋第一大島唐高宗時入百謂之婆羅國宋太宗時謂之浮泥國其國又名文萊又其屬有馬神者最悍勁會與荷蘭構衅毒流退其師與蘇祿以拳石小島屢抗強敵同在南洋諸島可云每倏然卒爲西人制者番族固無遠謀耳

噶羅巴瀛環志畧舊本繞阿番部或稱瓜亞又作瓜鴉乃巫來由別種元史稱撻哇明史稱瓜哇西洋朝貢典錄稱其國人惟三等回回人唐人土人

回回人皆諸番商之流寓者唐人皆廣漢泉人窟居者服食俱美潔土人形貌醜黑漆頭跣足殆即所謂巫來由種又其地相傳唐之時有民丁五百餘口皆無賴有神僧至嘆化爲猴止留老嫗一人舊宅尙存故其地多與入習不少怪案西人言上古之世

由猴而人此則由人而猴蓋同一奇談也其地當赤道之南土地肥沃米價極賤閩廣之

人流寓其地者以數萬計荷蘭擇其賢能者爲甲必丹官名諸洋番稱中國曰唐人

南洋群島種類考

猶西北諸部之稱漢人按海南饒沃之土以噶羅巴為最荷蘭以詭謀取之遂致富強明季夾

板四出侵擾閩浙實以巴地為巢穴也 西里百 吉里問均巫戴燕乾隆末粵人吳來種 武羅 西蘭俱巫來巴布由種

其地其裔至今存 摩鹿加 洛莫 麻里 薩爾溫 松墨窪 武羅 西蘭俱巫來巴布由種

亞野番黑面拳毛 斜仔 六坤 宋卡 大年 吉連丹 丁噶奴 彭亨俱巫來由種

新嘉坡一名息力一名實凍舊本柔佛國英人名為新嘉坡 新嘉坡風土記 居民册籍約分五種人數以中國為

最多其次巫來由

蘇門答臘 檳榔嶼 麻六甲 新嘉坡 四國日記 此間人名最雜約有十數

種如閩粵瓊州嘉應州印度噶羅巴所轄諸島如西里百瓜亞吉寧言語格不相

入除華民外巫來由族及印度人約有千萬英人三千巫來由土著最舊

錫蘭 四國日記 種類約六等英吉利人新格裡人印度人新嘉坡人荷蘭人惟

新格裡人最舊

辨辨子曰異哉天之篤生人種乃有良賤之分也孟子言性善墨子言尙同釋家言平等春秋太平之世遠近大小若一然則西國公法待野番與文明之國有辨

及近人抵掌談中外種類者非歟薛叔耘曰余往見西貢新嘉坡錫蘭島土民醜陋榛狃無異鹿豕卽越南緬甸印度巫來由阿刺伯各種之人無不面目黝黑短小粗獷視中國人民之文秀歐洲各種之白皙魁健者奚翅霄壤因思地在赤道以下有暑無寒精氣發洩所以筋力不能勤神智不能生卽如五印度地方萬里自古未聞強盛之國至瞿曇氏所生竊意當在中北兩印度離赤道稍遠地雖錫蘭傳佛迹恐係游蹤偶到而已大抵地球溫帶爲人物精華所萃寒帶極北人物闕如熱帶而下人物雖繁不精惟溫帶近寒帶地往往鍾毓神靈首出庶物則精氣凝鍊故也余謂不然中土上世以前若粵若閩若滇黔若蜀若楚之極南其種族榛狃當與南洋巫來由同有神聖起披灌莽剔荆榛通之以倫理漸之以政教實以種爭種以種智種以種平種而種禍靜吾見深山大澤人迹稀至則陰驩瘴厲觸之者病甚至風雲雷電作惡劇傷人迨宅爾窟田爾天乃萬物昭蘇日月風雨和會蠲舊惡焉然則吾種族之逐漸推擴及黃白二種之寔侵尋南洋各國各島者何以異是如果種之強弱判于地判于天則滇粵諸省何以土人處之而鹿

豕遊神明之裔徙之而榛蕪闢又何以南洋巫來由種終于野番閩廣人之衣食其地長子孫者彬彬雍雍聰強不渝其本性又何以印度三千年前文物教化爲歐洲祖西史稱印度三千年前極盛古今乃黑陋粗惡歸英百年猶未滌其婆羅門之俗教策參亦言自古爲文明國是同一地也可前愚而後智同一種也可前智而後愚亦惟恃保種治種者之轉移何如耳抑余竊悲南洋羣島之可富可強可智者祇以供英人荷人西班牙人之貪懣抑勒不思進賤種爲良種以符公理俾之泯泯琴瑟垂至于盡而猶幸吾閩廣人之布種南洋者有日昌之勢行將通其族類廣其甄範爲立國先容或如鄭氏之君於暹羅以大改其政法未可知也雖然吾考海外諸番之通實實萌芽兩漢歐洲諸國之覓而知之瞠乎其後然今南洋印度諸島國俱變爲歐人埠頭而華民之插足其中者僅閩廣不能求生計於本土之數十萬人散而不整渙而不萃而上且任其自生自滅弗爲之所則其強弱智愚之數仍聽之地耳天耳不重可哀乎不特此也界滇蜀之猓夷自漢以來羈縻勿絕余嘗親歷其地接其人性和而質直言刺刺能操漢語行懸崖絕壁如飛然不恃武勇而自質越嵩臙惟



刺史命弗違其種雖嚴黑白之分自古士著曰黑骨彼呼爲貴種漢人奴隸之曰白骨呼爲賤種開出劫掠漢民乃其野性未馴耳如復得文翁其人化之以學校開之以工礦農商其天性聰強武健殊可用也且其山產金沙珊瑚最富取之如拾芥裸夷女子人繫地環于項其他物產不可勝計度暹羅緬甸之沃饒爲西人涎當不是過而中國數千年來無有震其腦筋平其番漢之種以收富強之助者欲毋爲西人駭怪也得乎夫內地而夷之同種而番之本智而愚之違言巫來由違問南洋諸島鯁生大惑不解敢仍質之不勤遠畧之君子

### 歐洲種類考

歐洲史畧歐洲諸族考自有信史以來大半出於亞利安族凡亞利安族始皆聚居亞洲正中蔥嶺以西之巴米耳高原地方當其尙未離居已究得數種農工有益之事他如禮神獻祭經理國家亦條分不紊自亞利安族外其最多關係者爲西米底族按該族所居地大半在亞洲西南而介於東西二亞利安族地之間一猶太一腓尼基一阿刺伯惟此四國之言最多近似 又云當亞利安族人之初

歐洲種類考

至歐洲也其間有非亞利安族亦非西米底族之土民與之相抗後土民敗退而亞利安族人進攻不已以致該土民死亡殆盡餘僅竄伏偷生於遐荒邊遠之處故今法與西班牙二國界間諸山地尙有一種巴斯革族人其言號曰巴斯革是卽亞利安族未至歐洲以前該地土民之一也外此又有歐洲北境分屬俄與瑞典諸地方之芬族拉伯族咸不與亞利安同族至歐洲東境則又有後來諸族侵入歐疆迫去亞利安人據有其地如土耳其與馬加則當中國六朝及唐宋時始來立國於歐地 又云亞利安入歐洲後分爲希臘羅馬二族其時首居歐洲中原者爲革勒底族其種漸次西遷英法西班牙並意大利北境諸地又有德多尼族來自其東先興于德丹瑞典挪威等國至中國六朝時又據有革勒底族之英土案革勒底語今惟英法數處地方僅有存者而德丹瑞典等國之方言則皆本德多尼族故至今最強諸國率出希臘意大利革勒底德多尼四族又入居歐地之德多尼族外別有最小一族約分二派一曰老布路斯一曰利都完亞今雖爲數無多而其人作語往往與亞利安上古方言脗合至俄羅斯種本出斯拉分族而俄羅斯族外之波蘭族與土耳其北境之布加利

族及他自主國與屬國之諸小族並與斯拉芬同族由是以觀是希臘一族先著名歐地嗣又多亞利安族人佈居全歐殆徧惟餘少地尙存舊族數國並當中國之六朝時入居歐地之奧斯馬加與宋元時入居歐地之土耳其等國相與錯處其間

右引歐洲史畧稱爲刪潤以原譯太繁蕪故也闕者諒之案亞利安似卽亞西里亞之轉音西人所謂塞生人類之地也西米底者乃由挪亞第二子罕之名變音而出者也其族原居今巴西國之西當歐伯拉底及底革利斯二河間

**萬國史記** 洲內戶口三億高加索族最衆芬土刺伯薩謨厄匈牙利韃靼馬克土耳其諸族不過高加索族三分之一惟高加索族技藝精微冠精五洲理學政治彝倫靡不講習

**西學畧述** 印度生民之初皆聚處葱嶺以西高原之上其地今名爲巴米耳嗣有出遷印度者卽今四章多書

古教彙參作四費大書 并俄經梵文爲彼等首

創之語言又有遷往波斯者創立敬火教又有散往英法各地者爲革勒底族其居意大利者首定方言是謂拉丁今法意西葡等國皆本拉丁而出者也維時又分有斯拉分族遷居俄德以南地今俄人皆其後裔德族則遷居於英於德以及瑞典三國故今英德瑞典方言同出于德族

以上所言皆近人由泰西方言學家殫精竭力旁證冥搜而得者 其西米底族

亦分三大族一亞拉伯族後之回教一出亞拉伯族者曰阿比西尼今散處紅海西南地者是也一猶大並斐尼基族其所遺最古之書即今之舊約

泚澼子曰嗚呼古今之以野蠻土番亡其種者可勝道哉可勝道哉昔歐洲未有

亞西里亞人種以前其榛榛逐逐睢睢盱盱食肉寢皮萬國史記上古歐羅巴土人食肉寢皮見外人如

寇讐何嘗異於百年前之非美土人及南洋巫來由舊種自挪亞名族由巴比倫

非利息亞益徒而西而歐洲土民不覺風銷雨蝕淪胥靡遺君子觀于宙合之紛

紜蕃變更迭迭燼尊新必盛守舊必亡未嘗不俯仰歔歛於其所以致此之由也

夫頁其野蠻土番之曠俗以與文明開化者相持其生育非不繁也其智力非不

悍也其爭戰之具非不犀利也舊見四川探夷行走懸崖絕壁如飛男女皆生則製刀割為戰陣用又臺灣生番能以標箭中人百步外官軍猝攫之往往為所誤

又緬甸野人惡英人之擾其地輒糾眾伏山林伺便狙擊英軍為所斃者萬計又官新報譯紐約格致報

云各洲野人皆有奇異之軍械其銛利要害多出人意表如澳洲野人之補馬翎放後能自躍回入手中

南美洲烟陳人之波喇老能以牛皮帶之兩端擊兩球向空飛行絢物而返又印度昔金族有一軍器名

曰葵咽以鋼為之繫于左臂戰時向敵人拋擲空中取人首級謂之飛刀其餘土番能製軍械者不勝述

然卒自亡其種類者無政無教無學以永之也譬之地球於日苟無愛力無攝力

無漲力無離心力吸心力則且機輪滯固火心銷歇鐵石橫飛山川迸裂之不暇

鳥能乘氣游虛于三界大千阿僧祇宙合中乎夫種與種錯族與族處相抵相愛相摩相盪奚獨不然雖然政學教三者所以愛攝離吸之原而野蠻土番亦隨世變遷而無一定之主名何者春秋有三世之說其治野蠻土番卽因之而異夫世方據亂人禽雜亂地天駘塞有能稍稍制文字修倫紀如摩西大闢者卽爲番族中雄主而塊然食肉寢皮之舊種穢焉此絕無政學教者之見蝕于稍萌政學教者之理也泊乎升平機牙日啓格致日新戰事日亟欲翹然別異於野蠻土番必智力兼到始毋爲他種所凌轢否則僅能啞啞咕嚕咬文嚼字而八星之弗信五洲之弗知四民之弗溝而通襲常蹈故誦自尊其異于野蠻土番者幾何矣若夫世進太平文明益煥仁學大昌猶僅恃其火器殺人之具豪強畛域之私以戕公法畔公理而弗恤斯雖精實悍勁如西人弗以萬國平等之仁繼之行不戢自戕爲太平世之野蠻土番耳嗚呼據亂世之野蠻土番吾知獲免至於全球震蕩闖智鬪力靡明靡晦而土民如海縫掖如鯽汶聞於時局暗聾於政學以八比爲尊洙泗以空疏爲踐程朱

今歲大比之期湘省應試者萬二千餘人余方抱無窮憂暗瞶狼顧而鶴視求能知時局之危者與之言百人中不過二三次再進而求知格致政法者與

之言則千人中無二三焉。願其國者，舉狂侈然，翹異甚，乃刺刺語人強活不休者，時文也。試帖也。循例填寫之經策也。一省如此，天下可知。嗚呼！今何時耶？猶容此塊然以舉業鳴而茫無憂世憂種之心者，充物校學耶？袁安之念王室，傅寧之悲身世，益猶且夷然弗恥曰：天下事予既已知之矣。痛乎南皮先生之殺不纏足會也。以謂中國四萬萬人而尪弱顛側，躄躄郤曲，刑廢幽禁之女子，去其半，僅爲二萬萬人。此二萬萬人中，其吸洋藥者，南北多寡相補，大率居半。又十分去五，僅爲一萬萬人。此一萬萬人中，其識字讀書有德慧術智者，十人中止二人。又十分去八，僅爲二千萬人。嗚呼！南皮之悲恫切直，至於如此。此自有種禍以來之奇憂也。愚謂此二千萬人中，其命爲讀書識字營營八比試帖以求科目無用之人，又去其大半，求其學識通明，願力宏大，百人中難一二。觀千人中，難十數。觀此則南皮所不忍言而人類所不堪設想者，然則欲母外人之野蠻土番，我也得乎？我既無以表異於升平世之野蠻土番，則昔者巴米耳之亞利安族，高加索族，一徙而殲印歐之舊種，再徙而殲非美南洋之土民，今且布種全球而未已。傳曰：漢陽諸姬，楚實盡之。詩曰：殷鑒不遠，在夏后之世。余之所以遠稽西史，近誦南皮先生比較人種之言，而悲不自勝也。抑聞之陳君熾曰：西人自謂其

種出印度而印度之婆羅門種實出于中華昔者黃帝暮年巡狩崑崙弓劍橋山  
畱此神明之冑卽山海經之白民是已婆羅門種者白民之轉音則知黃種白種  
中西同出一源更無容同類相殘強分軒輊雖然黃白同種無終相殘滅之理雖  
哉其言然使嵬瑣頽靡甘守此時文纏足洋煙固閉迂疏之謬與此終古則南皮  
先生所云幾何不馴至家家爲病夫人人爲侏儒盡受殊方異族之蹂踐魚肉而  
不能與校非過激之言有必至之勢而聞者猶不踣焉迴聞澳然汗出而思變計  
焉尙爲有人心矣乎

### 希臘種類考

**萬國史記**上古人民自巴伯特散之各處之時挪亞裔曰灣建國于小亞細亞其  
國人有渡海峽而西者始知有希臘遂居其地實紀元前二千二百五六十年土  
人相傳其先自土中誕出初有伯刺斯日嚮的士列里熱斯諸族皆野蠻居洞中  
以攻獵爲業食生肉野草服獸皮祭祀以人爲牲伯刺斯日勢最强或曰伯拉斯  
日實小亞細亞人也紀元前二千年間建國于希臘北境曰昔西恩迨後埃及國

人的丹迦南人義納孤埃及人西格祿腓尼基人迦達慕埃及人大腦士弗呂家

人伯羅奔尼蘇相繼國于希臘

并紀元前千餘年事

**希臘志畧** 歐史耶蘇降生以前紀載率爲希臘意大利二族事其實二族外若加利族德族皆一時巨族而古史希意二族事多加德二族事寡蓋希意族技藝律

法蒸蒸日上迥異加德族之蠢愚不化也

以上多刪節

又云往古裏海東蔥嶺西有一

原族實爲希族意族並歐洲他族以及北印度人人生之本源

案此即指巴米耳之亞利安族言

游澗子曰種類之學微矣哉雖以西人之極深研幾凡事必洞其根莖而後已而

種類之學則猶愴怛支離莫知所決蓋遙遙千萬年以前中國未有伏羲神農西

國未有挪亞摩西其時睢盱頑獷如禮運所稱汗尊抔飲薑棗土鼓營窟櫓巢茹

毛飲血食草衣皮之俗蓋徧地球無弗然者

今非美南洋土人猶憶見之

自東海有聖人西海有

聖人此心同此理同一洗從前野蠻土番之陋習於是日躋星呀天蟲地烈始有

所謂衣冠之族神明之胄翹然表異於羣倫然合中西紀載觀之印度爲五洲之

中原昆侖實地脈之羣祖隆古聖神必多經營擘畫于其區者故山海經言禹殺



相柳爲衆帝之臺在昆侖之北又曰海內昆侖之虛又東海之內北海之隅有國名曰朝鮮天毒即印度聲之轉一是爲古中國經營印度昆侖之明證而西人言其種多出印度言人類肇生必曰葱嶺以西之小亞西亞蓋固隱以各種之源推亞細亞洲焉故雖政學之隆豔稱希臘而一言種類則曰古裏海東葱嶺西有一原族爲希臘及歐印各族之根原但其所以考訂之理則經方言家旁搜遠紹罔有天籟之可憑如德人呼父爲法德耳拉丁語呼父爲巴德耳希人呼父爲巴戴耳印度番文謂父爲比達又英語之內得德語之那克得以及拉丁文之挪克得希臘文之奴格得音雖小異而概譯曰黑夜卽是一端推至千百端而各國語言同源異派更無可疑不特此也中西文字左行右行迥乎不侔其字母首A者如中國阿呀等聲實爲天地之元音而其以二字三字切一音至四字五字不等又卽中國鄰婁爲鄒之理故肄方言者能以反切標射之法通拚法則事半而功倍不獨埃及文字與中國同源之鑿鑿也而又何疑於古時種族之互通印度昆侖虛乎而又何疑於希臘名種之發迹印度昆侖虛乎帝王世紀曰自天地設闢未有經界

之制三皇尙矣神農之王天下也地東西九十萬里南北八十五萬里又曰神農  
 以上有大九州柱州迎州神州之等黃帝以來德不及遠惟於神州之內分爲九  
 州山海經曰禹使大章步自東極至於西垂二億三萬三千五百里七十五步又  
 使豎亥步南極北盡於北垂二億三萬三千五百里七十五步此皆古者大通瀛  
 寰之盛軌故其時印度昆侖以西埃及希臘以東浸淫聖澤沾丐餘波漸有種族  
 遷徙製作萌芽以滌其野蠻土番之舊此西人所以準之地望考之方言僅以希  
 爲政學之祖不以希臘爲種族之萌也案西人以方言證種類其理甚微而犛然使德日記則  
 李風苞在巴黎遇人謂是老子後裔適郭大臣在座  
 言風儀在英遇一垂髻女子指曰此人頭顱是蒙古種  
 甚奇之異哉種類之學精研至此真匪夷所思矣

羅馬種類考

〔萬國史記〕上古希臘民族有亞加地者伯拉斯日之裔也案伯拉斯日爲希臘土發見前耶罕多率

此族遷居意大利之拉畫一作拉買是爲羅馬始祖當希臘禿累城陷時太子耶尼亞遁

拉畫王之數傳至努米多士其弟亞慕流奪位自立以兄女勒亞敍爾菲爲黑士

達神巫不許嫁人以固己位既而勒亞敍爾菲一產二子萬國通鑑言有一神瑪耳斯與之同寢長曰羅

慕路次曰列慕士亞慕流聞之大驚生埋勒亞絨爾菲投二子於低伯河有牝狼來乳牧人好士多路見而闕之取歸令婦乳養之二子既長膽勇過人屢與牧人爭鬪列慕士被虜邂逅其祖努米多聞亞慕流暴橫之狀還與羅慕路謀糾合同志龔亞慕流殺之使努米多復位案萬國通鑑羅馬志略俱紀此事惟羅馬志略則以爲無稽之俗傳後羅慕路招集流民男口日增而婦女不足配之乃設計誘鄰境撒伯罕國衆女觀劇掩而龔之以配流民自是戶口繁殖焉

**羅馬志畧**紀元前七百五十三年羅馬創闢城郭亞勒比山南有加利族居故亦名爲加利亞地不歸意大利今呼曰廊巴底已附意大利矣南爲亞比尼尼山山之西與南有伊都斯干族旅居以瓜泊耳河爲南界其時意地全境中惟伊都斯干族最強今人呼其地爲都斯干尼是也加利人伊都人之南意大利諸族類中極強盛者爲拉丁族紀元前七百五十三年拉丁族建城於低泊河案此小亞細亞人入羅馬之始泝泝子曰歐洲名種由亞細亞而希臘由希臘而羅馬此灼然無可疑者考羅馬新舊族約分爲數大種曰加利族曰伊都斯干族曰撒比哀族曰哀圭族曰意大利

利族曰海尼干族曰佛羅西族曰拉丁族其建國乃當中國周平王十八年元紀前

七百五希人開新地於昔西利建開太尼阿城有六母路者爲羅馬第一雄酋疆

土日關浸成大國此開四裔年表文案六母路即上列萬國史記之羅慕路是羅馬新族塙自希臘遷來故其政治

學術亦駸駸席希臘之餘風羅馬志略謂其權勢隨時加增在拉丁族諸城中尤

爲最新其以開疆拓土爲本務蓋由古初卽然嗚呼歐人之雄心壯志皇皇然布

種全球者自挪亞摩西以來其宗旨未之或替且加厲焉可憐懼也今夫羅馬舊

制簡而不煩國中分數族各族有長商論國事衆族長聚首一堂國人號曰諸父

其議政院名父老議院國王爲議政院居首位之統領一國視如一家視國王爲

一家君父此希人未築城以前各舊族主政之事其彬彬雍雍亦庶幾無懷葛天之盛然壤地旣宏客民

斯衆新舊雜處禍亂繇興其舊族父老往往視新來爲異類治國名分不少通假

由此國民判然爲二一曰巴得利先一曰伯利便其巴得利先爲舊族爲貴紳恬

其權勢以壓平民而新來之伯利便人才力聰明實有突過舊種處於是不甘羈

繫新舊紛爭紳民水火禍三四百年未泮案周敬王二十六年伯利便人不堪巴得利先之虐乃列家伍相將出城言于巴得利先曰吾儕擬

于此地築城以居爾衆可安居原城內巴得利先不許強令回城于是伯利便共立一官曰德利本以保衛本類人爲要務大致如今埠頭立領事之制自是新舊各種權力等倫而歐洲平等平權之學亦即萌芽于是此羅馬古初然卒能易紳權爲民政抗新族於舊種者則由議院之設律例之種類紛爭之事也

修

參周貞定王八年平民請設議院貞定王十八年立精于條例參十人經國治民旋以律法條例布示中外民庶大悅

而上下平等之仁漸萌芽也由

是以言世之仇讐外人見影而譁聞聲思阻者其不蹈羅馬舊種之轍也幾希矣

聖清受命仁德如天不獨視滿漢爲一體卽南懷仁湯若望西來之異族亦復教育涵濡任官授職蓋天之所以待斯民者本無域無爭無界無種卽近來稍稍歧視天心倡爲保種強種之說然其所以保且強者祇在政學修明智力開拓以有抵力漲力愛力之能不在羝羊之觸狐兔之疑以自私其局量也又考羅馬自紀元前百三十三年以來不恆用兵於有制度風化之國所攻伐者率不城居未經教化諸族夫兼弱攻昧取亂侮亡古之善經今西人之經營非澳二洲泊南洋荒島者猶隱遵此悖是故能強其政學教而後能強其種族爲古今中外不易之天經地義否則深固閉絕始驕而終蕙始疑而終靡元坐晉井日面漆室方鳩毒銷亡於庸師腐儒之講章八比而不暇何暇出其餘力發紆聰強以馳心域外抵

拒白民也白民悲夫

見前

意大利種類考

〔歐洲史畧〕希臘與意大利二族皆出亞利安此族又自分二派一曰俄羅斯一曰拉丁俄羅斯干族內又括有烏靡伯連族與撒貝連族其西北又有一伊都斯干族有言是族非出亞利安原與西北極邊利古利族等或此二族皆與西班牙北境巴斯革族相親近也其加利亞族大半爲革勒底族又名加利族人所居西西利島又有一類來自意大利之民名曰西革利是爲拉丁近族再意大利南境並西西利島多有希臘創立之埠而西西利島兼有腓厄基人創立之埠

〔萬國史記〕羅馬亡後意大利諸州分合不常初屬東峨特約當中國劉宋時尋屬希臘屬法

蘭哥七百七十三年以後屬日耳曼九百六十四年一千一百六年米蘭人倫巴多人叛日耳曼自立

爲民主國

〔瀛環志略〕自周以前爲土番散部劉宋時爲北狄峨特族所滅峨特族立國三百

餘年法蘭西取之後復分裂案意大利自咸豐季年即西一千八百六十一年撤丁王維多爾以馬努利始稱意大利王一千八百七十年王入羅馬遂都其城

泚瀛子曰意大利故羅馬地也其古初種類已見羅馬考不贅惟自羅馬中葉以來有君士但丁者西三百戰勝列邦喜用峨特諸夷爲兵卒史家以爲羅馬亡滅之源實基於此峨特族者日耳曼北狄種也夫以日耳曼爲歐洲中原其有狄種者蓋當文教未開野番錯處猶中國春秋中原之地有赤狄白狄陸渾淮夷也西歷三百七十年間峨特種族漸分東西二部東峨特與匈奴戰敗績竄地尼伯河與西峨特合三百七十八年大舉寇羅馬焚其帝自是東西峨特橫行歐洲凡意大利西班牙法蘭西比利敦國英高盧蹂躪無虛日四百四十年間又有匈奴種邊底疎者掠意大利諸邑此萬國史記所謂羅馬不綱馴至獷悍夷族起於北方弄凶器事劫奪交際全絕彝倫淪滅爲開闢未有之大變也五百五十二年東峨特始爲東羅馬帝入斯庇尼安第一所滅夫以獷夷凶族至殺亂全歐三百餘年雖漢之匈奴唐之突厥回紇宋之遼金殆不過是而中西之均痛心疾首於匈奴之禍尤不謀而合焉則其種之頑悍可知矣余故極論峨特種類之橫補前說所未備云案萬國通鑑第三卷論北方苗人遷徙之事言有一黨強悍苗人稱爲胡溺其形狀凶惡各乘飛騎從中亞細亞遷至歐洲攻東西鳴特苗人蓋卽三百年後峨特爲匈奴敗竄之事其餘言曠

意大利種類考

土耳其種類考

特苗種為患意大利諸邦視羅馬志萬國史記特詳考種類者宜取而觀焉

土耳其種類考

**瀛環志畧** 土耳其者本韃靼種舊游牧葱嶺之東輾轉西徙入買諾東土之猶太敘利亞諸部以次蠶食而治法尙刑威賦斂尤煩苛猶太為土耳其據其部民散之四方者以數百萬計而總稱為猶太族案明史謂游牧蒙古為韃靼蒙古本匈奴種故西人統呼匈奴蒙古為韃靼

**萬國史記** 土耳其本韃靼種族名初在亞爾山德加斯比士海之間以盜賊為業其俗分幾種各有酋長曰易米爾

**猶太史** 土耳其跨歐亞兩洲分東西二境在東境者為人類肇生之地案小亞細亞之地今為匈奴別種盤踞而猶太舊族散之四方矣于此見五洲各族遞為盛衰之理

**萬國通鑑** 土耳其初居裏海東高原之地華人所謂匈奴者乃好勇善戰之游牧人也一千二百餘年有歐顧西岸者被蒙古人驅逐遂西徙阿米尼亞山地勢漸强大案此尤與

下論突厥遺種合

**游辨子**曰土耳其者突厥一聲之轉也考宋太祖建隆三年西九百六十二年有西突厥遺



種曰阿伯特真者南徙入波斯東境據伽寺尼

今屬阿富汗嶺

之可疎山立國爲

王實土耳其立國之始又西史六百五十一年

當中國高宗永徽二年

波斯王求援中國及土

耳其以禦阿刺伯案是時土耳其未立國實乞援於突厥也蓋突厥當隋季最強

至唐武德間東服契丹室韋西臣吐谷渾高昌拓地萬里控弦數十萬至貞觀四

年李靖邀擊突酋頡利可汗於鐵山大破之漠南遂空然其部落或走薛延陀或

走西域走西域者爲今土耳其種類之祖至武后聖歷間突厥復大強盛又貞觀

十五年西突厥擊吐火羅滅之吐火羅者卽漢大月氏屬賓地則突境已直逾葱

嶺以西之波斯諸部故突種之綿亙於葱嶺東西實非偶然而萬國通鑑謂其初

居裏海東爲游牧人者若合符節矣史稱突厥爲回紇滅大非蓋其時見逼回紇

益徙而西跨歐亞二洲間而國焉其舊居葱嶺西裏海東諸地西圖猶名爲威斯

特耳其斯坦其葱嶺東爲今之南八城者西圖猶名爲伊斯特土耳其斯坦譯言

伊斯特東也威斯特西也斯坦王也猶言東西突厥王也

西史稱王位曰蘇爾且卽斯坦之轉音

噫隋唐

之間突厥強於北方中史能詳之唐宋以降突厥強於極西中史不能言之乃輒

土耳其種類考

譯西人突厥之音而譌爲土耳其復不悉其人種卽由突厥而視爲迥不相涉之窮荒斯儒者之恥矣今土耳其勇悍健鬪視死如歸猶有匈奴突厥遺風

突厥之先爲平涼雜

胡匈奴別種而政令煩苛性情殘忍益以回教之隔膜君民

土耳其其

宗回教

慘無天日豈匈奴

腥羶之氣歷千餘年未經蕩滌而益滋詭厲邪夫吾中國之立於亞東固所謂軒

轅之貴種而不與匈奴韃靼同者也乃今西人言不肯變法之國必曰土耳其波

斯及吾中國夫以衣冠之族神明之胄致與匈奴別種相權已爲有生奇辱而况

突種雖辱其與俄人百戰之餘猶能立國今且戰勝希臘而不蹈吾於日本之覆

轍而各國瓜分中國之議彼且覬覦染指涎餌思爭凡有人心者能無顛泚惟其

政學不修議院不立洋藥不禁終成疴瘠真使仁人俠士耳近東遠東之言憤不

欲生也

西人謂土耳其爲近東中國爲遠東

法蘭西種類考

〔法蘭西志〕上古法蘭西日耳曼諸國氣候寒冷禽獸充斥林莽其民獵之以爲衣

食南方諸國徙往者甚衆蠻野好戰日尋干戈有高盧一種爲法蘭西始祖高盧

之先伯拉斯日居天山之西鹹海之上爲印度別族紀元前二千年始移高盧有三種曰伊伯爾居西南曰塞爾達居中央曰比利時居北方部落數百人口極夥互相攻伐不息五百八十年併意大利北部三百九十年從不連那侵羅馬勢始強大至塞薩爾征之連戰九年亡一百萬人遂降於羅馬紀元後四百五十年羅馬大亂有維思蘇俄族自日爾曼來都紫羅塞法蘭哥族次之渡來因河而南驅羅馬戍兵漸畧高盧滅維思俄蘇平定全國法蘭哥者日耳曼民族初居下萊因威塞爾兩河之間有高士折路士西甲支斯干不利諸種連衡抗羅馬稱法蘭哥國語自主也

**法國志畧** 法國昔爲俄爾北舊地古名之曰高盧爲野番部落其性頑梗不馴喜劫奪嗜殺戮迨紀元後四百五十年乘羅馬亂立國分爲三族北狄域土葛人踞其南域土葛即俄特種類之名巴特干人侵其西亦北狄族又名不爾給農族而日耳曼之佛朗人即上法蘭哥族佛朗法蘭一聲之轉耳割據其東北未及二百年佛朗人生齒繁盛酋長哥羅味有雄才大畧以次驅

除北狄即上滅維思俄蘇事兼併鄰邦王其全地改國號曰法蘭西餘所紀與前同

法蘭西種類考

萬國近政考畧法蘭西初分三大族曰伯拉貞爲比利時之祖曰愛比爾安爲西

班牙之祖曰告拉或名格里阿乃法蘭西之祖告位族類共三百六十二種前歷五十年羅馬族各有主相仇殺無虛日

王朱利西沙攻告拉族併之後有日耳曼客族名葛夫者與其國土族不合來處

法地一曰伯根地恩一曰凡達拉一曰佛郎克即法蘭哥是爲法國再建之始

泝澗子曰當唐虞時有印度族居法蘭西歐洲史畧謂革勒底族西徙入法及劉

宋永初間法蘭哥自日耳曼遷來王之遂爲雄國故近來西人恆自稱其遠種出

印度貴種出日耳曼良不誣也但自歐洲中葉有所謂峨特者自日耳曼北方徙

往羅馬漢順帝建和二年西一百四十八年其後日耳曼各民種又合約攻羅馬於是歐洲種族紛爭

擾攘數百年未息而法蘭西遂爲峨特有雖五百五十二年東羅馬帝攻滅峨特

而其種之蔓延意大利法蘭西者當益繁熾猶中國自經五胡之亂而所謂氏羌

鮮卑匈奴韃靼氏族通政教通無復春秋據亂世內外夷夏之斤斤也況當日之

峨特特以其文教未開獷悍淫掠而狄之非以其來自北方僻處荒原遂不齒於

生人之類也然則世之專以地之界域而夷人而狄人其與春秋有夷狄之行而

夷之狄之之本皆恃盤滋多矣

西班牙種類考

萬國史記國初五方人雜處多塞爾達種與種嗣有腓尼基人徙居相傳紀元前

九百餘年腓尼基人至西班牙然其事蹟不可得考也後西臘人至西班牙設市

府多歷年所爲迦太基所取至紀元前一百三十四年爲羅馬所畧紀元後四百

年間爲北狄所侵奪北狄一種在西班牙一百餘年被逐於維思俄蘇族維思俄

蘇爲教民稱峨特其族畱維聖的取西班牙王之此後沿革不常不具述

拼澁子曰西班牙古初與法國同爲塞爾達及革勒底遷來之種後又與法同蹂

躪於日耳曼北狄種故觀於法而知西班牙所由來也且吾聞西班牙人性情驕

悍奢靡馳騫瀛寰亦大類法人自一千四百九十二年以來西葡二國競於海洋

中覓新地有科侖布一作哥倫波者上書女主依撒伯爾得海舶三艘經費二萬磅運

駛而西至亞美利加洲之墨西哥海灣歸報其主遂爲泰西覓地植種之權輿而

南北美洲變土番而文明其機實萌於此夫上古之世民各甘其食美其服至老

西班牙類考

死不相往來此黃老無爲之學其弊必將胥天下爲野蠻土番不止今全球震燿中外一家使猶守此疆彼界之覺言泥死徒無出鄉之舊俗而所以自治之政學又復茫然吾恐狂飈振谷魑魅奔林更無深山窮野容此鑽研祿利暗聾政法之時文楷法家及鯢鯢桎梏南宋緒言之庸學腐儒嗚呼科命布有知必當悼不已而笑笑不已而哭也雖然西班牙旣以雄心遠畧世其家而百年來之政治學術卒不競於法者何哉吾聞之香港英報云西班牙從前拘守舊法貪官虐吏不恤民艱以謂天下之才舉莫西班牙若近因古巴之自立始稍破其自尊之見思更國政又聞西史言西班牙人始得美洲新地虐使土番不以人類待之土番往往逃匿深林中驅獵犬蹤之隨獲隨殺時有拉士加撒者哀閔土番謂西人曰亞非利加黑奴體格堅強過土番遠甚其言一出遂嫁禍於亞非利加人延及三百年之久泚澣子曰由前之說其虛僞傲很適足自辱其種類也由後之說其殘忍苛弱乃戕賊天心之仁而以人種爲菹醢者也無他公法公理之學未大昌明猶駕一葉於江海之中震蕩簸揚靡知所底也然要可爲有種者鑒戒焉

葡萄牙種類考

**萬國通鑑**值北方苗人進羅馬境肆擾之時即北狄有斐夕嘎特苗人入葡萄牙地至一千一百三十九年第一阿勒凡搜萬國史記作亞魯蘇擊敗回教國人即舉以爲王及一千三百年後屢遣船隻在阿非利加尋獲新地

泝泝子曰據此則葡萄牙種類亦多北狄峨特之遺也萬國史記謂其在歐土爲小國而前此中國直呼之爲大西洋蓋西人通航東洋諸國自葡人始遂不詳其地理而稱之至西人謂葡國衰弱之原一因遵守教皇之旨逼迫外教將猶太人逐出境外以致懋遷銷歇一因自恃土田肥沃而農工疏惰文教不治其知字者不過千分之一嗚呼此瘠種腐種之媒也有國者宜何居焉

荷蘭種類考

**萬國史記**上古野番羣處曰巴達臥羅馬將塞薩爾征之叛服不常後爲法國之祖法蘭哥所征服法亂諸酋分荷爲十七小國一千年後生齒繚滋亞爾零俺特坦最盛

葡萄牙 荷蘭種類考

游濞子曰荷蘭以野番之種首開航海之局埠頭商館爲各國先故能尾閭羣島外府南洋貿易之隆大同之兆古未有也尤可異者以曩爾國挈諸地球不啻黑子之著面乃其中魁梧才藝之士至出其公理公法之談操縱天下師相諸侯王莫不橋舌刮目以觀名法師論議如果魯西亞士賓克舍等尤卓犖奇名於世說者謂其人心思銳敏精力橫絕昔之以土番部落稱者今哀然鄒魯焉然觀其近來於巫來由島國與所謂公法家者浸疏懈不逮前人可憐懼也

比利時種類考

〔萬國史記〕昔屬荷蘭稱發蘭德後屬日耳曼法蘭西西班牙不常一千八百十五年各國大會維也納仍定比利時歸荷蘭轄比人教法語言風俗好尙全與荷異終不欲奉荷命一千八百三十一年比利時自立國

〔萬國近政考略〕法蘭西有伯拉貞族爲比利時之祖

游濞子曰比利時以爭宗教異同與荷蘭分裂無足稱者願其精研格致工鑛之學擅名五洲地小人騷物力豐厚亦一奇也



日耳曼種類考

**萬國史記**一稱獨逸在歐羅巴之中昔爲蠻民所居本與法蘭哥同種分數小部被服野獸皮以劫奪爲業羅馬將塞薩爾征之未盡入版圖經四百年夷民垂斃羅馬入意大利占踞其地而日耳曼尙有數種遺民日漸鯨滋又曰日耳曼人聰明關達西民推爲貴種

瑞士**萬國史記**居民種類不一大半以牧畜爲生古屬羅馬後爲北狄所滅後又歸日耳曼轄

奧斯地亞**萬國史記**居民種類不一其地古時爲勒西亞諸力加巴納尼亞等國羅馬征服後爲北狄所據

普魯士**萬國史記**其地古爲北狄所據中爲日人有別立爲部**普法戰紀**普立國之初蓋非久遠古時北狄據其疆土南宋初日耳曼人征服北狄有阿蘭芬種之民居於波羅的沿海東土曰普魯士國由此得名

泐澁子曰日耳曼者英人稱德國之語也法人則稱阿里曼其土人則自稱爲德

意志中國繙譯英書最早故近人著述多沿日耳曼之稱至同治十一年其使臣奉其國命來告德意志變更情形自是改稱爲德意志薛叔耘曰德意志三字非地名乃一種人名族類之總稱蓋歐洲之人分爲三大類曰羅馬人種曰希臘人種曰德意志人種德意志者所以別乎羅馬希臘兩種人而言之不限以地也凡歐洲中部北部人民皆此一族故奧地利荷蘭比利時瑞士從前皆在德意志列邦之內奧普兩國最大故先後迭興爲之盟主至德意志南北之分因普魯斯初強時惟北方諸邦增之是爲北德意志聯邦公會迨後南方近來因河之四邦亦入公會遂去南北之畛域號爲德意志合衆國云愚案薛氏三大人種之說最爲明塙歐洲史略亦云亞利安入歐洲後分爲希臘羅馬二族又有德多尼族來自德丹瑞典挪威等國又云德丹等國方言皆本德多尼族是德多尼者即德意志一聲之轉即希臘志略亦云希臘意大利二族外若加利族德族皆是

即德意志族

德意志族

夫德族旣爲彼中最古之族則其與希臘羅馬二族抗衡也固宜顧余觀

日耳曼自紀元以來種族爭搆史不絕書而其最悍者以北狄峨特稱漢獻帝建

安六年峨特沙葛生弗郎格阿拉買尼四種人伐羅馬蜀漢延熙十三年峨特進兵以羅馬境據丹麥盡逐新巴里人蜀漢景耀元年峨特以兵三十萬伐小亞細亞及希臘晉武帝太始十年峨特取地西阿之地太康元年峨特立王於哈海東晉穆帝永和六年阿司多羅峨特與肥司峨特沙米西阿西羅立諸種人爭戰東晉孝武帝太元元年匈奴逐肥司峨特人據其地肥司峨特求援羅馬王王徒之米西尼阿次年阿司多羅峨特降於羅馬案阿司多羅峨特肥司峨特譯言東西峨特也是年東西峨特合兵伐羅馬羅馬王卒於軍太元二十年匈奴侵白羅尼爾米西尼阿爲峨特人擊敗東晉安帝義熙十年亞道立夫至西班牙立肥司峨特國宋文帝元嘉十年匈奴日盛侵伐日耳曼西地亞十三年肥司峨特伐西羅馬馬二十七年匈奴五十六萬伐高盧與肥司峨特法蘭西羅馬諸國人戰敗績宋孝武孝建元年阿司多羅峨特入白奴地米西尼阿以後峨特爭戰事甚多不備述然此猶祇言日耳曼最悍之峨特一族也其餘以悍族見西史者所在多有如欺羅西與馬古馬你爭戰新莽十福利西人自立國漢建武四年哈門徒利與削的兩種人爭戰永平元年瑞士瓜地馬古馬你海蠻杜利那

日耳曼種類考

立西凡大利者西其羅所拉尼阿四丁基各種民合攻羅馬建光元年各種民敗羅馬

建寧沙蘭生人攻羅馬人初平元年削的朝西米魯司三種人侵掠高里即高盧羅馬建熙元年各民

種相聚於羅尼河下游稱爲佛郎格案佛郎格即法蘭哥一聲之轉事在延熙十二年佛郎格人據高里景耀三年

白葛恩的人與羅馬戰晉咸寧元年阿拉買尼人與羅馬戰太康八年法蘭西人爲羅馬敗是時

法蘭西屬日耳曼建興三年法蘭西人奪高里曠土居之永和六年薩生種之民始強太和三年阿拉立瑞意

維凡大利諸種人遷於西班牙義熙五年火烈亞與阿拉尼瑞意維大利昔令台諸種

人戰克之義熙三年瑞意維與凡大利戰永初元年凡此皆日耳曼種族之悍者漸與羅馬

穀雜漸拓種法蘭西西班牙白里登諸國而鱗滋者也則未知其爲德多尼歟巴

斯革歟革勒底歟歐洲史畧言首居歐洲中原者爲革哩底族其種漸西遷英法西班牙意大利然革勒底者地中海一島族當時

與日耳曼尙相懸絕未應盤踞日耳曼北方之地早如斯鯨殖意當時無論峨特

及各種悍族俱德多尼支派而法蘭哥上作佛郎格之遷法阿拉瑞意維立凡大利之

遷西班牙尤其顯著者也故今西人之自謂多出德意志貴種非誣也使諱其從

前之爲土番爲野族曰毋庸洩我則全球大地當未有文教之先孰非土番孰非

野族使自恃其非土番野族而立制興學農工商賈泊一切交涉應付之宜續聽弗聞則土番野族有何定名我之輒土番野族人者安知形見勢絀後人不轉而土番野族我也嗚呼彼日耳曼當中國漢晉之交各種紛呶其爲土番野族無疑今則人人發紆聰強精研政學翹然稱德意志貴種焉凡有天下之責者可不深長思矣乎

### 英吉利種類考

**大英國志**厥初生民皆出于亞細亞洲後散居四方分數種大英民種初名瑟爾

案即西米底土族種或云即塞爾達一聲之轉後有丟度尼種案即日耳曼之德多人而居之

或云革哩底由地中海遷來者見歐洲史略而瑟種日衰丟種日盛又云英中土及迤北之民甚獷悍赤身不衣衣以獸皮惟

畜牧畋獵爲生而已

**英法俄德四國志略**英吉利爲土番部落漢以前無可考後爲北狄峨特族所據

**萬國史記**其民本爲高盧移植始名塞爾達種躁動剛戾日漸衰亡尋有丟度尼

種堅強耐勞經久滋蔓

英吉利種類考

洪澼子曰英吉利古稱爲白里登

即比利敦

當劉宋初屢爲日耳曼民種峨特法郎格

沙葛生薩生蘇格達侵掠蓋一無政無學之士番部落而已然其所以文明漸開者則由西歷七十八年後比利敦人習羅馬語言文字風俗日美遂爲政學由羅馬入英之權輿顧如歐洲史略所紀則最古土民爲西米底族巴斯革族首徙入者爲革哩底族次徙入者爲塞爾達族次徙入者爲意大利族久之而因爭戰入者爲日耳曼之德多尼各族而至今迤北民種猶有赤身曠野食肉寢皮者殆西米底革哩底遺族歟不然何教化若斯之難也然英自古來人種及一切政治學術俱自外徙入今且用其徙種之術於美於澳於非於巫來由羣島於緬甸於印度狼奔豕突昕夕不遑且復以堅悍之力持之不窮天荒通星球不飫乃心殆其種族家法使然抑彼教摩頂放踵之宗悻助之韞資之忍也

俄羅斯種類考

**俄史輯譯**古時俄分三族南爲釋的恆族北爲斐奄斯族中爲斯雷達意含族此

三族出於古傳魯立克乃三族之外西方孥漫族之法蘭然人也

案魯立克爲俄國始祖非種族名

**聖武記** 俄羅斯古不通中國漢書下零在北海上唐書骨利幹國居渤海北地北

距海其卽今俄羅斯境域哉魏書烏洛侯國從難水北行二十餘日有于己尼大

水卽北海或疑烏洛侯卽俄羅斯見皇朝通考四裔類

**萬國史記** 古時土番稱斯拉窩尼國號薩爾馬西亞屬于匈奴各部互相吞噬無

復人理紀元八百六十二年諾弗哥羅民相議迎祿利哥爲王案祿利哥即魯立克祿利哥爲

諾爾曼卽拿民族魯西酋長初居瑞典至是建國略定四隣制馭野番案魯西卽魯西牙俄人自呼其

國曰嚙西牙

**四裔編年表** 唐宣宗大中四年西八百五十年北地人魯烈立俄羅斯國案魯烈卽魯立克

**瀛環志畧** 俄民各分種族一日薩刺瓦族居齊民之大半曰力丁族居波羅的沿

海曰芬族卽芬蘭土人居西北方曰韃靼族游牧於南方奉回教卽西域回部種類曰甲才族亦

游牧奉佛教種類古曰日耳曼人墾種新地曰猶太散民務百工

**歐洲史略** 俄羅斯種本出斯拉分族或謂斯拉分卽瀛環志畧所謂分族譯音有短長耳

併游子曰俄民種類志略言之甚瑯其根原則歐洲史畧所云出斯拉分者庶幾

俄羅斯種類考

五十七

近之薛叔翬曰昔人考俄羅斯源流者或曰卽漢之北丁零堅昆奄蔡徐松說或曰

卽康居大宛大月氏烏孫或曰卽條支陳寶箴說按條支卽波斯古今譯音偶異耳與俄無涉或曰卽北魏時之

烏洛侯唐時之黠戛斯骨利幹魏默深說見上引然細審彼音稱其國曰嚕西牙稱其人曰

路斯革其崛起歐洲之酋名祿利格中國之言俄羅斯皆自荷蘭英吉利人遞譯

難免訛舛詳稽載籍參以見聞則前人考爲吐蕃之裔者較確况其說出自西人

必當有據蓋俄羅斯突起唐代正值吐蕃衰亡之際其部落散處蔓延歐洲東北

荒僻之土固理勢之當然余謂果如此說則突厥之徙爲土耳其吐番之徙爲俄

羅斯蒼蒼者特隱綿此兩大種爲終古對待之境真奇橫不可思議者也舊唐書

吐番者秃髮也樊尼乃秃髮利鹿孤之子後改姓爲勃罕野嚕西牙與秃髮一聲

之轉則西人所云俄起唐季又云吐番宏土種類又稱爲西底附吐番者必非無

據案後漢書西羌氏族無定或以父名母姓爲種號今俄制國中人名載時憲書

凡人家生子擇吉日所繫之帛命之貴爲王子賤爲奴僕皆得襲稱前代察罕之

啓投人名劇或系其父名以識別焉此其與後漢書合者也顧歐洲史略稱其種



本出斯拉完考其國自八百六十年迄一千五十四年間土耳其正強俄之疆土實未能介黑海而接希臘其居波羅的海之東以迄於烏拉嶺者爲可列納族唯層族葛獵族攏烈靡斯族陰緯族撒栗翎族其在波羅的海之南者黎脫圭族烏拉西族即阿蘭西之音轉古奄蔡也其在黑海裏海之東北者馳耳基族別擊族聶幾族喀雜勒族郭索楷族雅斯族包爾嘉勒族俄迫處此七族之西初只思拉完一族沿黑海西北而齶處乃爲俄種繁殖之原西人紀載謂勃爾噶利人本亞細亞民族遷歐東境以牧爲業五百五十九年與斯拉人合兵濟大腦河略馬基頓進入東羅馬考其時卽唐之中葉東羅馬屬地實已暨黑海而思拉完族之與勃爾噶利俱由亞細亞遷往無疑矣然斯拉分雖由亞徙歐猶祇在黑海沿邊一帶不得以唐時吐番當之故歐洲史略之稱斯拉完爲俄種所自出特其番族部落之一耳夫俄人種類至爲不齊固不能以斯拉完一族概之而其古稱斯拉完族殆無可疑卽以萬國史記古時爲斯拉窩尼證之窩尼二字急讀爲完爲分則斯拉完明爲古時土族之稱而今日蔓衍歐東之吐番遺種乃自玉門蔥嶺輾轉西徙反使土

俄羅斯種額考

族爲之不茂蓋如西突厥之有君士但丁而猶太族散又如德多尼種遷于英法而塞爾達族日見銷蝕也余竊觀地球全局變幻無常往往異族至而本族不昌新族逼而舊族日亡更變迭代萬事滄桑日求其理不可得解則賄賂然悲滲滲泣數行下既而思之霍然以寤乃知本族舊族多狃于故習憚于勤劬始驕終靡始妬終疲既無一能一技可以謀工商參政事則深山窮谷漸爲若輩棲游之所至異族新族之能寬地植種者必有震動之力智巧之思爭自存而圖被濯故其聰明藝術即爲馳布種族之先聲然則新舊種之迭爲盛衰倚伏人爲之也非天也中國近年以來衽憂席禍凡一切訓農務學通商惠工之政可知所轉圜矣而科目如故人材如故此梁啓超所謂積薪厝火鼾睡徹外萬牛回首邱山不移者也誰非臣子誰無人心誰甘以皇王種類日卽陵夷蓋思所以盛衰倚伏之原而豁然夢覺哉

案前人稽考俄種之誤繆  
祐孫辨之頗詳茲不具述

波蘭種類考

萬國史記

波蘭人爲斯拉窩尼民族

案卽斯拉完族

瑞典種類考

**瀛環志略**古時爲土番部落爾漢時流入日耳曼界內散處各國趙宋初大酋厄

里哥招集部人是爲瑞典建國之始

**萬國史記**其民皆峨特族

丹麥種類考

**瀛環志略**古時爲土番部落性波羅非內塞居之後爲峨特族所據案性波羅萬國史記作深

羅不

**四裔年表**本爲新巴里種所居于四百六十四年前爲峨特種所奪按新巴里卽性

泚泚子曰歐洲史略言俄羅斯族外另有最古之波蘭族是波蘭亦一大種類也波羅一聲之轉

自一千七百九十五年爲俄普奧三國剖分而俄之於波尤酷虐無人理余嘗二

復波蘭滅亡記見時務報爲之涕泗交頤也瑞典技藝聰明文學特盛洪勳游歷聞見

錄曰瑞典得天地堅凝之氣飲山溪清澈之泉人習勤動其渾噩之風猶有存者

然則西史動於峨特族夷之狄之未爲定論也丹麥原種深不羅當紀元六七百

瑞典 丹麥種類考

年開屢寇掠比利敦及歐羅巴瀕海各國前史稱爲太尼人蓋亦亞歷山德塞薩爾之流亞然世頗以海賊目之者文教未開徒言武功皆海賊類耳

美洲種類考

**萬國史記**洲內戶口約分四種曰印度人卽土人先科侖布創見散居大陸種類殊多風俗言語各異曰白人卽科侖布以後歐土各國流寓之裔曰黑人係亞非利加人曰雜人分三族或土母白父或黑母白父或黑母土父三種膚色不同其教法土人崇奉異教歐人遷至後傳耶穌教徧于各地學藝與歐羅巴同

**瀛環志畧**米利堅合衆國白人皆流寓歐羅巴各國皆有之而英吉利荷蘭法蘭西爲尤多三國之中英吉利又居大半土番各畫地授田不令遣徙貿遷工作皆

白人又云泰西人所紀四大土人民惟巴他俄拿土番

在南美洲極南境  
世所稱長人國

肢體長大

異於別種然亦不過高于常人一身之半較長狄之身橫畝眉見軾者猶相懸萬萬也此外黝黑如阿非利加醜怪如東南洋各島野番亦不過白黑妍媸之別而五官四體無大異乃知長耳比肩之民飛頭貫胸之國古人所爲恢奇之說而世

或從而信之不亦慎乎

泝溯子國異哉歐洲種類大半出印度而美洲荒原又早爲印人窟穴豈印人固爲各種驅除之資天特豐其遇而畜其學邪夫印度居天下中其政教開明爲各國先觀古教彙參等書自知繼印度而興者埃及希臘繼埃及希臘而興者羅馬羅馬之衰爲匈奴突厥諸種淆亂西史謂羅馬不綱各夷族之擾攘獷悍于歐洲者數百年然歐種從前攜來印埃之學抑鬱而必宣以有今日也惟美洲徒來之印族則終古榛狃毫無制作必待白人居之始坤轉乾旋虹銷日霽岡本監輔曰自墨西哥迤南諸部尙存城堡寺院市街故墟屋瓦烟突鍍金諸器類皆數千年前物墨西哥石冢二千許其大者高十二丈人物形狀大與印度人異意古時有數百萬開明之民立國會有大變人物一切蕩滅印度人乃自亞細亞遷來王韜曰南北美洲于四百年前覓得新地古墟廢碣悉畱有文字蜿蜒蟠曲克肖物形土中掘得器皿制作精妙塗飾金銀又聞倭海阿密蘇里亦有大建築及畫圖雕像諸物皆足想像數千年開化之狀嗚呼余之聞此不覺愾然喪容啞然失聲曰在昔皇王之

典章文物民種之聰強悍勁國執之豫大豐亨苟不淬以湯盤日新之學策以姬宗無逸之志則豈待火山爆裂執鏖冰遷始睹所謂無窮之變哉今夫以億兆年不相間問之域數萬里絕無穆葛之人造物溝通雷轟電掣斯奇變矣奇變而無以善之而反逆之是欲斷羲和之轡絕重黎之紐遏星球之行以構成奇殃也今者徧美洲皆白種其土種直視肉然而天不哀之泝滌子且無暇哀美種獨自哀我幸以來于天地人諸學毫無窺見獨規規然繩墨中腐儒儼然蹇抑以終吾年視所謂紐皮土番者不過多數行啞唔業耳則又烏知吾身之所底哉

非洲種類考

**萬國史記**非人出于挪亞子罕罕以巴伯塔營築後至埃及國定居于此其子美內士創建王國實紀元前二千一百八十八年也子孫繁衍徧於各邦或曰洪水初平罕之裔密圖來率其族徙于亞非利加之北境羌美內士一百六十年又曰洲之北境古多各邦今皆回部係自亞細亞轉徙蓋自埃及國至亞皮西尼多爲土耳其阿刺伯及國人與沙蘭生人混者撒哈拉大沙漠及其旁地則亞刺伯人

居焉其東西南皆土番洲內諸國今尙推埃及爲第一摩洛哥桑給巴次之馬達加斯加始改政體漸通歐洲

**瀛環志畧**天時地氣人物在四大土中爲最劣迤北多回部與黑夷雜居皆從亞細亞

轉徙而來迤南皆黑夷土番其種人或稱尼刻羅或稱合丁突一作荷丁多的或稱星卑巴斯其人黑而愚諸國多買爲奴

### 埃及種類考

**萬國通鑑**前二千二百年有一族凶猛游牧人自東北來入埃及恣意焚殺餘民咸迫爲奴越八百餘年始將游牧族逐於境外案埃及爲字內最古之國種族濫雜西史亦難稽核

### 伊西阿比種類考

**萬國史記**伊西阿比黑人國統名希臘目努皮阿亞比西尼以此語兩族多阿刺伯種

洪澣子曰薛叔耘有言阿非利加一洲其利三倍歐羅巴祇以近赤道下水土障惡人民蠢陋數千年來僅迤北迤東與歐亞兩洲相鄰之地開闢十之一二其內

埃及 伊西阿比種類考

則草昧榛莽終古鴻荒嗚呼不知彼四五千年前卽爲挪亞子罕所經營者何以至今鹿豕其民也然西人談政學必以埃及爲不祧祖說者謂埃及得與印度希臘相觀劇且中有尼羅河輸灌田畝故文明開民物阜爲非洲冠乃者西人探地之心視前更勇遂將非洲詳細繪倡爲按圖剖分之說案按圖剖分前此未聞今著爲公例則將來之拔焉思啓焉必不止非淵也嗚呼於是英得地大小十九處共二百四十四萬餘英方里每英方里合華里十方里人數約得三十兆九法得地大小九處共二百七十八萬英方里德得地大小四處共一百萬英方里葡萄牙得地大小六處共九十萬英方里比利時得地只孔戈國共八十二萬英方里意大利得地只紅海南口以西一帶共三十一萬英方里西班牙得地大小四處共二十四萬英方里共計非洲爲諸國剖分此數十年內已逾十之五六夫以堂堂大洲倡議剖分不必謀之其酋不必詢之土族而黑夷回種俯就羈勒如犬馬然惟前歲阿比西尼亞在意大利剖分數內竟舉兵抗意敗其師而行成焉是爲非洲第一奇績然終無掾於剖分全局之禍嗚呼慘矣其戕賊天心如買販黑奴者尤亘古所未聞從前西葡二國商人尤多業此每歲約輸數萬頭聞艙底暗室滿載數百人一列數



十頭用長木連縛其頸微動則絞或以鐵鎖繫其兩足左右肩摩胸背相接如魚貫不獲伸屈糞食混和臭氣穿鼻號者鞭之死卽投海殘忍不可言近時各國使嚴禁之而私販者尙復不少異哉非洲其種則以供奸商之購運其地則以待強國之剖分使非彼教善士閱而申林肯之禁復閱而行教育黑人之法岡本監輔曰奴之禁行仁于天下而未聞有教育黑人子弟商人既發賣之法意者歐人誠意未孚之故也豈不可悶乎天理或幾乎息矣今守舊家未怵五洲之變故未知苦海之沈淪輒曰西人雖智如我何然各國之覬覦我而爲瓜分之約者雖無端聒噪而不可思議之禍輒令人心悸也故因述非洲剖分諸禍而縱論及之聊附于言者無罪聞者足戒之例云耳

### 澳洲種類考

**萬國史記**幅員最大與歐羅巴齊土人膚色黎黑手足瘦損狀似獼猴視之馬來細亞所見猩猩更覺醜惡才智亦不出其上一千六百十六年荷蘭人創見此地故一名曰新荷蘭旋爲法人所奪尋棄去至一千七百七十年英人得之一千七百七十八年始移罪人實其地一千八百五十一年英人創開金鑛移居者日夥

澳洲種類考

泚泚子曰澳洲人種黑面裸體食草根山果結巢於樹予之酒一飲卽醉臥泥中如豕負塗男役女若畜怒輒殺之此殆猩猩不如也英人得之披榛剔棘卓然齒於五洲殆天之以尾閭民物殷繁之國邪英人謂此土雖荒曠百年後當成大國南海諸番島當聽役屬爲圻庸然則苟有豪傑出乎其間曝然智其民新其學華盛頓之事何必不見於今日耶雖然吾觀美澳而見英人布種全球之術其工且密誠挾阿屯姆力以經營者也

通種說帶

四國日記曰羅馬兵官有游歷檀香山而返者述及百年以前檀香山各島尙有土人四十萬自華民及美人歐人來者日多今土番人口僅存十分之一余謂自古以來地球大勢然矣如日本之蝦夷美利駕之紅夷始未嘗不致力死爭以決一旦之勝負繼乃漸漸驅入山谷終則衰耗不振將謂專用兵威斬刈攻擊以殄滅其醜類乎果爾則上干造物之和遠激異族之憤豈若是靜謐哉大抵中國之民皆神明之

宵最爲貴種而歐洲開闢不過稍後於中國亦既英雋迭興且溯歐洲人類之始頗有謂由亞入歐者故其人之聰明秀拔足與中國頡頏外此無能及者卽如南北美洲開國近二三百年今其通國士民皆英人種也否則西班牙諸國種也卽有土番稍能樹立以列於士商者必與歐人婚姻數世稍變其種類矣許澣子曰韙哉是言中國之能言種類者其薛公平乎今試與海內君子平心考驗而知將來之立天國同宗教進太平者惟通種之爲善焉何以證之凡木之秀良而花實並茂者其始也必多以異木併而合之若橘若梅若李若桃其顯然者卽種學之比例也至大草木之世初無與之似續者不過粗頑之質上千雲霄而浩劫乘之則遂埋爲炭質埋塞終古而已矣由是而知人之必合種而後善者乃天然之理也其證一凡百花繁郁之區蜂蝶必盛世徒見蜂蝶之躡而虐也不知含彼花之氣以入此花而花之神愈足擷彼花之精以輸貫此花而花之心益靈於是而有蜂媒蝶媒之說而種學可得而言矣其證二博物家云凡各動物如不變其水土地氣飲食等事則無論流傳幾何年之久終不能易其本性如狼本野生天性凶殘無論何國產者皆山居野

處而有同形其性情亦無乎不同若犬生各國若畜於家或游於野殊其飲食別其形色則或小如鼠或大如驢或兇如狼或馴如狸皆能有配合改變之法以蕃衍之聰慧之教導之擾服之由斯以談據亂之世人性惡因困於方隅仇視異己惟觝觸爭忌之爲務也太平之世人性善因環球大通血氣性情合而爲一則良者固良賤者亦良馴者固馴騫者亦馴也其證三古者娶妻不娶同姓非獨遠嫌明倫也蓋同姓而昏則氣類孤而生殖不繁如琴瑟之壹而不能和也卽中律禁中外表爲昏亦是此意格物公理家曰同類不愛異類相愛故植物必異本接合而結果動物必異氣相交而成種原質必擠同質引他質而化合皆通種之比例不特此也深山窮谷之中其民老死不通往來其通婚姻者不過左右比鄰而已而其人則終於頑而子姓亦終無蕃育之一日且垂垂百十年盡矣由是而知聞通種之說而駭然者與於野人之甚者也其證四乾父也坤母也凡同受乾坤之氣者旣不得有中外夷夏之疑又烏有並爲人類而無可通種之理且天地間之以太息相通五大洲之政學藝事兵商士民處處相通而種於何有其證五日本忱歐種之強閩亞種之弱乃下

令民間與歐人婚姻者不禁或曰此策也伊藤實尸之其證六香港新嘉坡及南洋羣島爲華洋交涉之衝其居民或曰父黃母或黃父白母而聰明材力迴絕等倫其立志亦多以五洲第一等人自居而有傲睨全球之勢則知黃白合種之必大聰強無疑也其證七英俄法德雖有國界有猜嫌而其實則皆婚姻甥舅之國也故政術通情志同而國力之精強亦互相觀摩互相抵拒互相牽掣而不致爲獨夫民賊之無與謀其證八佛家之理雖云一世界有一佛主化及云衆生是佛佛即是衆生而大靈魂之周布於三千大千者實不生不滅不增不減則俯視九萬里之地球直一滴微塵耳夫星球恆河天尙將以靈魂通之而豈同墮塵球之軀殼必界中外嚴種族始自怙其驕悍之習矣其證九吾聞華洋種族之通不獨各埠頭各租界然也卽鳳儀陳季同之妻皆西婦也彼西人初不以吾中國之弱中人之愚而擯之不齒婚姻之別則吾又何爲聞通種之說而猶猶爭晴晴讒也其證十今夫西國學術有大派二一天演家一生理家天演家則謂天之於人物也樊然不欲其並生惟擇其種之良者留之如馬去其害羣禾去其稊稗也於是而人物之能自競者乃有以承其

擇而終古不敝矣。生理家則謂今之殖於地球者，雖有賤良之殊，善惡之異，而風教既通，大道弗隱，醫學昌則良善其身，公理昌則良善其心。於是而國則天國，父則天父，民則天民，駸駸乎進于大同之軌矣。由前之說是荀子性僞之悖也，僞者爲也，言必以人爲爭天意也，由後之說是孟子性善之悖也，性善者太平仁壽之民也，言至於太平則天人合一也。故荀子主義孟子主仁，荀子主小康，孟子主大同，荀子之學由今日以前權力壓制之天下之憲法也，孟子之學由今日以後平等平權漸漬蘊萌之天下之憲法也。夫至平萬國等平萬國，權則國通而政通，政通而學通，學通而教通，教通而性通，而又何疑於種族之通乎？而又能以一隅拘迂之見，埋天塞地，強遏其通之機乎？吾故謂能速通黃白之種，則黃人之強也可立待也。如通之遼緩，則強之機將百十年後也。如我則執不通之說而甘心非美土人，西人則守天演家之言，儕我於非美土人而通之弗屑，則黃種之存亡未可知，而疲弱不振之患，且七八也。故夫通種者，進種之權輿也，進種者，孔孟大同之微悖也。

今夫地球之運日新，一日則種族之繁亦日通，一日有斷然矣。西國格致家之言曰：

極古之時先有太陽盤旋空中繼而拋展熱氣一團沸蕩天空繞日而轉是即地球初生之始其時不過氣水連合重濁混沌而已久之熱氣漸縮成爲渾團久之外層凝結火汁進入內心成爲硬殼而地始爲球形矣然方其球形未成之時轉動極速離心力過大遂於中腰處復分一團散離地外成爲月體故月生於地地生於日而日爲地母月爲地子也於此見日與地與月極古之時爲一種物質所分也地之硬殼旣成則全球皆水中之突起者皆石花剛石成形最先階形石次之火結石次之水成石次之久之空氣侵蝕寒熱感變水流衝激火力發動則漸疏鬆分碎礫爲層粒或掩覆地面或流冲海中因而海底漸平陸地漸削積世累年滄桑泡幻靡可究詰此地運之日變一日日新一日也至又於石中考究生物之迹則有一種小蟲結成窩巢如今海蚶海蛆之類又有草形蟲如海絨海草珊瑚螺蛤之類格致家以爲地球生物之原首推此種焉又於此層石之上考究生物之迹則有陸地草木與有脊骨之動物而知昆蟲魚鼈之生稍後於海絨海草矣又上則爲產煤層煤爲太古之植物變成其紋層極厚者多盤結於低溼處則古時窪地甚多空氣甚溼而熱

使草木生長極速極暢以有此煤層之厚者誠非偶然格格致家以此時爲大草大木世界信而有徵夫草木旣茂禽獸必繁乃自然之理故格致家又於石層中考驗大鳥大獸之迹而目爲鳥獸世界孟子言洪水未平之先草木暢茂禽獸繁殖蓋其時去草木鳥獸之世界不遠而洪水之患尙瀰漫於九州也然自獸類迹以下之石層絕無人迹惟由獸類迹而上及於地面之浮沙土石中始有人迹可考則知人在萬物中其生最後而其性又最靈地學家謂世界生人至今不過五千年與孟子所謂堯舜之時草木暢茂禽獸繁殖者昭合列子曰三皇之事若存若亡五帝之事若覺若夢三王之事若隱若顯然則伏羲神農堯舜相去必不甚遠故其時不過野蠻土番世界戰勝於草木鳥獸之中而爲土司雄酋如西國之摩西大關耳非眞如楊朱所稱伏羲以來三十餘萬歲管夷吾所稱古者禪梁父七十有二家也夫人世界之有不過五千餘年而其中之由簡而繁由粗而精由蠻野而文明者己若是之紛紜蕃變不可遏抑則又安能謂西人之制作度數後於中國必不足以凌駕中國而劃吾種類耶况乃大地之連先起者蹶後起者勝錯綜參伍莫知其由又安能以千萬



年皇王之國四百兆軒轅之種靡然自大以謂言種學者奚爲挈彼犬羊之族類相等倫耶今夫世俗之子榮古而虐今貴耳而賤目尊舊而卑新比然矣西人則以新學新國新世界相夸耀而鄙吾支那爲舊國爲老國爲天棄之國吾支那之人則亦自安於舊而老而天棄夷然弗之恥由是以言則不大改其政治學術列於公法之邦會盟之國欲求通種且不可得况乃以通種爲謬說而從而詆之耶泚澚子曰余旣歷考各國種類以見洪水初平人種皆由亞細亞輾轉分徙則各種本出同源確然無疑前者旣由合而分後者復由分而合天人交通理平道實奚有所謂非常異義管亂天下之耳目不可思議乎哉迂儒小夫罔識大義必有以余言爲不當而滋詬詈者則非歷兵霜浩劫天日昏霾之後而余言不驗也悲夫

強種說增


僕緣大地之上而爲衆生根器雖燮然不齊而自洪水以來紛紜錯雜以有今日則世界日進文明之理夫何疑矣何以言之古者人首之角度扁今之角度盾惟櫻黑種人角度尙與獼猴之微生物同蓋由猴而人之精元未改故其智慧亦獨劣紅皮

土番之徵生物則視黑奴稍殊蒙古族之徵生物則視紅人又殊高加索各種之徵生物則視蒙古族又赤而偉是精元之日進一日也古者無論何地何國皆土番游牧漁獵爲生故經傳所稱最重田獵左氏穀梁周官皆言人君有四時之田公羊獨易爲三田蓋去鳥獸日遠則田獵亦可日省土司之世威權最重今廣西土司虐使其民無虛日人有婚娶者必先以新婦送至土司一宿而後成禮此尤威權極重之番俗故凡言爭威權者與於番俗之甚者也土司之世一夫可以娶多妻周禮所立一后三夫人九嬪二十七世婦八十一御妻之制雖是劉歆僞託以媚新莽之淫縱者而土番舊俗實亦如此故回俗與印度俗皆重男輕女而多置妻妾爲驕淫之樂中國達官富人稍能自給下陳籬室遂復紛然此皆古時土番之俗浸淫人心不能猝返者西國男女平權雖君主不得置二妻實爲文明之兆端古者中西舊俗皆以佞神拜偶像爲事蓋世方據亂不得不假神道以治之春秋動言災異亦是此悖今格致日精民智日新神鬼虛無爲有識所不道則番俗媚神之惡習或可昌言毀之矣土番之世主權既尊刑罰極重中國之炮烙燔磔族誅肉刑波斯之十字架法蘭

西之巴士的獄希臘達拉之血書羅馬古律之碎身投獸俄羅斯蠟人院所陳之犁舌割腹割鼻刖足諸刑皆顯于天地之和隱賊生人之性而凡獨夫民賊所藉以怙其私者今泰東泰西之輕刑律公民權者十居八九惟中國尙因仍於舊俗未盡滌除此仁人君子所爲悋悋而悲也然則居今日而言強種非舉一切土番瑕穢之氣嚴峻之法重男輕女之習與夫媚鬼塑佛拜偶像祀文昌關帝以奪我孔席之繆條亂章而投以白馬驛之濁流懲以墨石哥古城之浩劫則彼靡亨自桎甘於牛馬餽於荼毒者方神明其游牧打牲之世界夷然弗變而軒轅之種必且與匈奴猥獯之類同歸漸滅也若是者衆生根器果然不齊地獄之墮真成鐵案雖尼山再世釋迦涅槃如此蚩蚩之衆何哉然吾爲中國畫強種之策則仍有望於命世之英先舉以上所言之番俗蕩滌而瀚除之以存於世界日進文明之會世界日進文明舉全球大段言不以中國不文明而阻其進也荷中國至此而猶不文明則自遠其種之亡耳而後政學教化與夫人人自主之權可得而言也無他變則通通則存存則强大地自然之公理可一言決也不先識世界文明之運與大地自然之公理而欲言種學其或有異於扣槃捫燭者幾希矣

強種說

---



光緒二十八年四月初一日輯印  
光緒二十八年四月初十日發行

(正價銀肆角五分)  
(郵稅銀四分)

著書者

洪 澐 子

輯印者

諸暨趙氏樂養齋

上海英租界福州路惠福里

發行所

上海編譯局

上海英租界南京路同樂里

印刷所

上海廣智書局活板部

